

南康縣志

題簽 高 清 岳



八 卷 編 一



南康縣志第一編卷八人物志

漢班固漢書作古今人物表宋鄭樵通志志吳興人物愛古人不薄今人也康邑自宋元來忠孝節義文學隱逸代不乏人然或史缺有聞而有足維特名教者並詳著其梗概非惟闡潛德之幽光亦見士苟克自樹立砥行一時垂名于後之人覽前哲之德行道藝聞風興起其於勵世摩俗所關非淺鮮也

名宦

南唐


黃玉一作廷玉

字德符大祐中補使院時判官李照割南康西南地置上頓場進吳知道及

場玉勾當場事創場治於靈巖寺北時盜賊蜂起玉保障二十四年多著勞績場民刻其政於石南唐時累官銀青光祿大夫卒年九十七昆弟子孫顯於宋登進士者八九人府志

宋

按楊吳不奉梁正朔仍稱唐天祐年號楊薄始改元順義四年設置上頓場實後唐之同光二年也黃玉未可遽稱上頓人進府志謂上頓未立縣當作某鄉某里不為無見府志謂如稱孔孟者多曰曲阜鄒縣何能盡稱魯國鄙國乎於上頓上添一今字則自明矣此仍涉調停之見其虛光潤詞全播黃玉列入南康人物志從其朔也



田如鼈字邦鎮田崗第三子宣和六年進士丞相呂頤浩一見器重之高宗召問江右盜

賊對曰小寇不足慮所憂者西北耳累官監察御史出知道州人樂其豈弟後加直祕閣京西轉運副使祀鄉賢昆弟如鵠如鵬如鴻俱登進士第參明一統志府志葛志

王易簡善經學兼通詞賦徽宗時官至資政殿學士兼侍講祀鄉賢子寓亦有文藻官國子司業宣和末遷翰林學士尚書左丞葛志

按王易簡父子通志南安人物不載九江人物志云王萬字元忠江州人父易簡資政殿學士萬歷校書郎署正佐師度支員外郎兼充經筵官國子司業為起居舍人兼兼舊宅直講宗立命以給事中兼通英殿經筵侍講御史部侍郎升禮部尚書翰林學士康王之使金也以為尚書左丞副之乞免此單州國輿使建炎中駁馬道敏江州被書王易簡父子姓名同代同官贈學必非兩人而易簡已入祀鄉賢鄉賢考南康鄉賢錄明萬曆十八年春臨江府政王任通序云易簡簡人貞嘉靖癸巳御史李果郡州縣鄉之先賢有德業行蹟可稱焉者立祠以祀之查得我先祖等在宣德年間已崇而祀之矣遂建祠於學宮戟門右則易簡父子係南康人而江州志記載尤詳其諸生長康邑人仕後處高江州與抑本籍隸江州其裔孫遷徙康邑以考府志王易簡官資政殿大學士王亦沿其誤今訂正

李諤字正臣建炎進士往機警歷州縣所至有惠政嘗判吉州永豐盜起諤設法平之鄰境羣盜聞風皆畏憚數百里蹤迹屏息累官至朝奉大夫人物志祀鄉賢葛志

李琦字志立義仁廂人洪武十八年貢歷刑部主事員外郎升淮安知府左遷營繕主事升郎中質直廉正歷官四十餘年始終一節祀鄉賢葛志

王人貴建文中歲貢歷官兗州單縣高州茂名縣主簿寬厚能職是時事多更易同官令終者鮮人貴獨久於任引年歸祀鄉賢府志葛志

府志將有這按人貴一節耳時事即紛更何選擇害傳語多湮泊無可傳者以有寬厚能職存之

王時習字勉學號筆峯永樂乙酉鄉舉入大學與修大典壬辰登進士擢山東道監察御史彈劾不避權貴巡按河南振肅風紀撫卹廣東發倉粟以賑饑民還朝再命督陝西

諸營卒於官祀鄉賢府志

張用中字正夫義仁一廂人永樂中貢仕刑科給事中升廣東按察副使轉山東寬厚清慎致仕卒祀鄉賢府志葛志

劉翔籍崇義博極羣書以貢令湖廣桂陽守官廉謹士民愛之祀名宦後改廣東河源亦著政聲祀鄉賢子昭文自有傳參府志葛志

郭瑞嘉靖中以貢知福建崇安清簡公正去之日百姓釀金以饋瑞笑曰醋味酸其性難變竟不受據府志探爾建通志

奚元愈力學能文萬歷元年恩科縣令醇魁時舉酒於衆曰操必中者取立飲元愈前飲之曰吾必中矣令惡其倔誓與建坊以諶之是科果以詩領鄉薦今縣治前龍飛首薦

即令所建坊也後為廣東茂名知縣治聲大著卓有成績祀鄉賢葛志

蔡世救萬歷乙亥選貢官浙江溫州府通判與利除弊卓著政聲巡按特薦卓異升雲南維摩知州解組歸士民焚香護送數百里祀鄉賢葛志

王以稼改名用霖字淑躬事聖第四子年十三游泮屢試必冠其曹偶萬歷乙亥以恩選入監大司成肅元圃一見待以國士當時名卿如鄭以倬朱之蕃李光元黃龍光皆文壇巨手喜與論文故才名益著中萬歷己酉鄉試初知徽州祁門縣以不肯附權貴改廣西岑溪岑故小邑民獠雜處犷悍難治至則導以禮義民知讀書岑有科目自是始地有斷腸草令盡鋤去詐訟漸息升平樂郡丞抵任半載即致仕歸士民思慕立祠祀之祀鄉賢參府志萬志

賴朝聘改名煒字子玉四坊人中萬歷壬子鄉試官湖南桂東知縣廉介不阿邑舊例有餽縣官鋤頭山稅銀千兩悉卻不受且永著爲例後卒於官民肖像祀之呼爲賴青天

參府志萬志

奚憲正元愈子泰昌元年選貢官通州州判見廣識遠能擔人之所不能擔忍人之所不能忍卓有父風歿後邑士賢之祀鄉賢萬志

清

盧大作字澹齋塘江人康熙戊寅拔貢官萬年教諭邑多通賦作勤於化導追呼之聲不登紳士之門學使姚試士饒郡亟嘉之在任六年修廢舉墜泮壁一新妻葉氏先卒作義不再娶垂三十年歿後萬年人思其教澤祀名宦據高位中盧澹齋傳彙

林必儀字湛持春營子中康熙乙酉鄉舉知阜城縣初視事即減耗羨省催科邑當孔道

日用車數輛或十數輛書草料子半值請於上全給之廉得習役勒索弊繩以法積年塵積旬日盡決巡視狺狺見一老婦問所犯以毆斃少婦罪擬抵必儀曰嫗老焉能

殺壯婦取案詞視之則煨煉顯著白上官剖情驗果無傷嫗得釋時巡行郊野以孝弟導民暇則進士之秀者與論文致仕歸百姓思慕不置建坊顏曰民之父母參府志 趙丹 楊林漢亭傳補

賴麟字見田號炳川在城人雍正元年拔貢幼失怙事母至孝待養不顯仕進後服闋官

瑞金縣教諭時有庠生某忤縣令意屆科試學使者按臨令詳請除名麟爲辨雪遂獲與試即於是科中式後有武庠某與吏胥相鬪縣誣以劫庫詳上憲請兵麟出城遠謁

備陳顛末力保無他境內獲安士民德之卒於任賦詩贈送者甚衆子澗倉庠生肆力經史不事舉子業未嘗應鄉試居恆管攝鹽史事卓犖動聽聞者統論明辨爲諸子勗

云參王誌藝文

盧葵字義占塘江人聲聞第五子以例官沅州吏目雍正十三年黔民避苗寇來沅者萬

計葵奉檄結廬舍治井竈以處之時軍務勞午飛絮輒粟往來如織葵啣嗟應付發給船戶脚價無絲毫尅減積勞成疾卒於任沅人德之配名宦據府志 趙舉人 物王 志 藝文 雜補

蔡韶清字穆如城東人乾隆七年進士官興山知縣日受詞不用幕中賓手批口決事立

剖訟者持糗糧多不待餐而去與土碗甕苦旱教民作水車以灌治尙寬平及攝篆歸州治豪猾甚嚴歸有全船映石險惡壞舟爲設救生船當道廉其才調漢陽奸匪所數設巡江船責成捕役以獲盜多寡爲賞罰邑故多留廩甫期月釋囚繫者二百餘人後以避所親調黃岡以事去幾不能辦歸裝士民饋餉悉不受府志

李逢清字銳亭在城人上諫于乾隆庚午優貢考充武英殿校錄中順天舉人官與國縣訓導日以植品讀書訓迪在任十三年孜孜不懈解組歸與邑人士立去思碑以誌景

慕王志

謝啟昆字繇山城東人乾隆庚辰進士翰林院庶吉士散館授編修典試河南分校禮閣所取拔多知名士及出守潤州調維揚執法公平不以富商大賈異發粟賑災金活饑民無算時以詩案被劾赴京直陳始末得昭雪授河庫道三載彌補舊欠銀十萬兩升浙江按察使著藩篆除設根長弊股戶賠累藉以免尋擢山西布政使調浙藩勸風災隨從僅數人杭城大火災爲立救火良法嘉興有阻葬風立示嚴禁列入府縣志做俗以革升廣西巡撫地與安南接壤值阮濟與農而構兵附近內地亦時相侵奪乃督率邊吏慎防守禁道逃邊境靖謐留心營伍嘉慶庚申調兵赴楚勦辦教匪成奮勇出力得旨嘉獎昆生平好學不倦纂修廣西通志體例謹嚴直省各大吏續修志乘咸取則

焉著有樹澀堂集咏史詩三百首西魏書小學經義考史籍考廣西金石錄等集而四

魏書一編足稱文獻云卒於任年六十有六御賜帑銀歸葬錫以諱文王志

蕭應辰字鏡亭由歲貢官安遠縣訓 甫抵任捐俸修茸崇聖祠倡建書院學使者尙孩

試贛郡時招覆文重某遠居歸里例應黜落辰亟爲籌畫詳請隨例復予復於全休

滿將歸安遠人士謁邑令陳文豫具牘留任且爲文以頌之據王志等文補

盧鎮苑字梯翰號閩峯塘江人年十三受知於學使者林入縣庠爲父力追先止試皆尚

等以拔貢中戊子鄉舉聯捷進士授吏部文選司主事升員外郎一日趨過朝房曹文

格指謂鐵宮保曰此吾鄉後進之方正者吾與居隔一牆祇聞課子讀書往來無妄交

宮保亟爲歎賞丁外艱歸因母病遂乞終養應齊觀察聘主講濂溪書院一時造就者

衆戊申丁內艱服闋入都相國某烜赫用事屢招致苑終不往歲餘弗獲補官而處之

泊如也卒於京年五十有五參王志

陳作芹字泮香號圓水潭口人乾隆辛卯進士應聘主講萬安蓮花廳書院歷官貴州青

溪水從等縣嗣著獨山州兼攝八寨同知民苗雜處斤御以至誠鎮聲戰追尋擢古州

同知未及任卒於黔王志

盧鎮珪字聯玉號廸溪塘江人中乾隆壬午鄉舉官武甯縣訓導日以他行立名勵諸生

兼及文藝造就人才一時稱盛如太僕守卿盧沂孝廉余虹尤卓卓也致仕歸倡修祠宇立規約書之屏以儆族中子弟家範以肅王志

盧洪科字乙峯號原泉塘江人性好學聞萬載李納陸爲時名宿負笈數百里往受業焉歸而學益達乾隆辛卯中副車甲午舉於鄉歷官四川溫江儀隴彭山內江等縣難谷廳同知儀隴卸事日適公出在鄉民相率詣行館呈訴立爲剖決內江錢法弊壞市糶不行科不待詳請開倉賑濟兼收弊錢全活甚衆後就養子元偉官署日以圍棋絲竹自娛云 元偉從益風六令監誌銘第

盧元偉字特大號西津塘江人洪科子乾隆庚戌進士官吏部考功司主事升員外郎嘉慶戊午分校順天鄉試頗稱得人出守雲南曲靖古夜郎地俗多不靖偉設柝署門令民擊以自訴日審訊至更餘始能屬州有巨盜率役掩捕餘黨悉擒初中丞彭齡密保之調東川嗣調普洱界連南掌緬甸禦夷嘗乘間入寇率兵登陴防守數晝夜賊始遁時上司有宣慰司地爲緬所疆總戎欲以兵討偉請先諭以利害緬夷果懼歸地那有鹽井射利者於井旁復鑿一井請增課偉不許封新鑿者戊辰丁外艱歸服闋補授鎮江郡有爭洲田者縣令往勘縱火焚洲屋洲民誹碎令與令怒欲盡置於法獄成上府僅戮首魁餘皆減等旋擢廣東根道五攝臬篆潮州有械鬥案囚三百餘人庭鞠正兇

僅居三分之一餘非畏刑誣服即贖命以抵償者飭有司嚴緝正犯而出二百餘人於

獄升鹽運使再升直隸按察使調山東復陞山西按察使會檢次有京控委情命案案多疑竇適前臬使病故偉抵任接審未成獄而巡撫以輒轉遲滯恐于部議上其獄諭交刑部審理得平反罪議歸卒於家著有選批文選三卷易法一卷據將詳據盧君傳誌銘第

賴相棟字秀成號任夫在城人乾隆己酉鄉舉乙卯成進士官沛縣知縣署高郵知州甫

下車與書院立義倉有夏某貪財謀殺寺僧自諱出名首告又尼庵淫殺屠屍二案棟

反覆研訊廉得其實實於法時兩江制軍威權甚赫以事忤遂解組歸歷主講濂溪旭

升書院多所成就嘉慶壬申勸修學宮文昌城隍廟積有餘蓄置買鼎元輪元堂田產

給發鄉會試卷資道光癸未縣令劉繩武聘修邑志年九十卒著有四書管窺 據詳聯珠

賴進士小傳第

盧澤元字冰鑑號蔗香塘江人嘉慶辛酉拔貢考充正紅旗官學教習期滿授知縣棟發

浙江權嶧縣餘姚以勝繁劇聞於汪制軍志伊檄調福建歷官浦城海澄龍溪長樂調

南平兼上洋通判再調晉江著汀州府同知嘗捕盜魁會營往擒之盜黨洵洵謀奪犯

擇元聲言詰朝親解回縣而中夜令把總巡檢縛置舟中歸底於法羣盜盡散生平好

吟咏間及記序尤精八分書取輒應案頭積紙政餘一揮而盡浙閩士得之珍若拱璧

卒於汀州丞署著有蘭韻山房詩鈔二卷雜著二卷

據楊際華盧大令葉誌銘

盧承祖字山塘江人中道光壬午鄉舉歷署安徽甯國旌德縣補拔全椒甫下車修理文廟督造橋梁文風丕振是科文武中額驟增數名己酉庚戌水旱頻仍以工代賑修築隄圩咸豐三年洪楊順流東下金陵淪陷隣封相繼失守全邑四面受敵承祖舉辦團練添募勇丁督率員弁紳董等曉以大義登陴固守賊由楊州北竄距全城數十里從容鎮靜力保危城勇糧軍火籌及半年均出自己囊毫無捐派易簧前三日猶力疾登城並赴各練局嚴切誥誡誠惟以狂寇未除爲憾歿後十年全邑人士哀思不已呈請建祠同治二年安撫唐奏准入祀名宦

據全椒士民公舉

盧昌輔字星甫號榆浦元偉子塘江人道光丙申進士善屬文清超拔俗迥絕板蹊有鄉先輩五家風春闈後錄其文呈蔣憲副祥堉憲副曰此西江滴派也必中必高榜發魁墨出一時傳誦授知縣籤掣直隸以母老引疾歸丙午丁內艱服闋赴保陽題知南樂值歲大稔羣不逞率椎埋剽掠無虛日甫下車即捨其渠魁實諸法羣盜斂迹澁任時屆孟冬詳免賦徭已逾例限或阻毋贖陳輔弗聽力請於大吏獲邀貸民賴以蘇日據案判事剖決如流案無留滯邸舍中無羈宿詞訟者戊申水災冒暑親勘歸而疾大作百姓咸奔走祈禱輔病愈相率釀金演劇調邯鄲地當孔道兵差絡繹嚴飭胥吏禁

苛派以失察罪議歸卒

據盧鼎勳族侄榆浦明府葉誌銘

劉敬熙號止山麻田人乾隆戊申鄉舉庚戌進士歸部候銓嘉慶己未揀發廣東委署連山縣兼署連州理番同知題補文昌丁艱服闋粵撫咨取回粵差委歷署石城開建知縣敬熙居官廉慎屏絕苞苴宦橐蕭然無異寒素其親串有謂非怨毒錢可少假爲子孫計弗聽卒於開建官署家人輿柩抵函旌至以衣物抵質庫始克歸

學博

劉宋

鄧德明元嘉末就豫章雷次宗學與韋遙等為同志及博物洽聞該綜今古嘗作南康記

一郡山川奇蹟及諸幽怪事表識為多通志此邦文獻德明蓋開先云採諸州府志

按鄧德明為南康文獻開基府縣志供闕德明人物最是人不知何縣通志因之考宋永初元年改南康郡為南康國嶺南坐南康省嶺南今南康縣地實介居三縣間德明係南康人所起係一邦文獻故補列於首非僅才異地也至泰始南康人考全唐詩集母補闕南人謝肇府志上猶人龔生唐季上猶未設揚縣地仍南康然嶺南郡謝志力辨謝肇係異國縣之衣錦鄉人均不敢混登

宋

劉元亨字子嘉開寶中入白鹿洞修進士業江南國學廢例選赴闕以學行老成為後輩

推重復還鄉道過廬陵郡守聞其名薦應舉登咸平二年第通志授德平簿為政廉明

時序官未備轉運命部邑掾有文者從元亨遊士人師服之府志祀鄉賢

葛清按南康府志載劉元亨郡人不知南康府在廬陵北南康縣在廬陵南元亨自京師歸道經廬陵其為南康縣人無疑也

蔡居中字正夫好學不倦大觀中入國學政和四年特奏名第二既第歸謁郡守守喜謂

之曰子敏達出人文章政事優為之矣唯當官見利勿動斯稱大受居中佩服以清白

方正稱官至大宋正丞節府志祀鄉賢葛志

按葛志蔡居中宣和間入大學政和甲午曾獨考宋史蔡宗在位十一年收元政和十九年改元宣和年月外與通志亦沿其誤今據府志訂正葛志又云政和甲午侍郎蔡端及擬冠多士同列有持他卷者曰波瀾老改當為第一卽張綱也房中大之考宋

明

賴禮字同文在城人永樂二年進士歷武功興甯沈江知縣廉介不阿所至有稱卒於任

民哀思之著有詩文集藏於家祀鄉賢子懋顯官海北提舉府志葛志

清

王家琪改名仁嗣字美丁以稼子博極羣書詩情尤幽逸放浪縱恣自異於人世書塵之

外竟以負才傲物齟齬以終著有三世存編二卷詩文集一卷清隱集一卷醉容居草

一卷不多吟一卷畏路紀行集一卷據府志葛志八物選舉藝文彙編

盧大川字學滄塘江人聲聞長子中雍正癸卯舉弱冠肄業豫章書院與清江楊勳

新建劉斯組相友善工古文嘗手一編自先秦兩漢及唐宋元明尺寸模倣而為之康

熙庚子自中丞升少司農任江右士大夫以詩文贈行旌者無慮百數十人中丞獨賞

川文清標俊拔錯落入古時秦中白長庚亦在坐寓目焉返棹豫章過書院山長張損

持太史道其事於是會城諸知名士莫不就太史索是文視覽梁布衣份湯布衣皆有

評跋兩布衣堂高第弟子也癸丑留京袖邸所作就正於李穆堂侍郎侍郎稱其得

史歐家法川歿後楊清江序其集郵寄川從孫鎮苑屬弁諸簡端著有雙平集據楊編

明不第者再舉舉不第而能終場者賜本科目出身之特奏名府志葛志蔡居中係政和四年乙未特奏名進士壽非年少登

第主文擬短多士之人故節錄府志並錄葛志亦所傳聞異辭之意云爾



盧君古文序 盧天祐伯兄文跋 盧鎮莘堂平集後序

李逢邵字粒齋在城人上謙子乾隆辛酉拔貢學問淹貫教子姪讀書多所成就三申丙戌與修郡邑志節王志

盧鎮莘字耕儒號聘田塘江人乾隆丁酉拔貢生五月能言母氏彭氏授以毛詩一歲成誦長善屬詞詩古文夔絕一時與仲兄苑齊名時有二難之目戴文端相國方以御史假歸道出虔州王總戎集邀遊入境臺諸勝與莘倡和詩甚多後視學粵東走書幣延致勤校文藝莘亦悉心衡校文端甚敬禮之晚年編生平所著詩古文成日宣堂全集若干卷將授梓爲不仁者竊其稿盧鎮莘先生行述

鍾傳材塘江水南人歲貢生勵志好學授徒課讀訓誨勤拳諸生文藝有不恆者輒榜復終夜改妥乃已一時成就者衆新集

何瑞卿字吉雲龍華江人恩貢生績學能文歷試督學皆高等生平平易近人遇地方公事輒義形於色侃侃持正論不少屈選授宜黃縣教諭未抵任卒新集

盧洪彝字性原號香芸縣學增生塘江人父鎮莘以詩鳴虔南彝淵源家學生平尤鍾好於此而肆力焉天然湊泊處酷似香山管介族子蔗香明府以詩集謁法祭酒式善祭酒以爲可傳集中接梧門先生書云明月淨如水好花開似織我登北樓上輾轉眺京

邑雲山萬里遮青天一片碧竭來南飛雁凌空排健翻飄然落懷袖探之得書尺中叙亦香詩已入古人室西江藏國後妙手推闡雪彼也擅天姿此也具學力有如龍與虎各挾風雲色又如蘭與桂分占春秋籍讀罷毛髮竦汗兩淡背滴土生得知已畢世憾可釋惟公人倫鑒未必乖賞識願將宏獎心循循加誘抵低首拜瑤華珍之藏什襲紀其實也後暮遊八閩李方伯廣芸許爲作序會方伯遭讒遠殞弗果作著有亦香吟館詩集已刻者浙閩二游草浙閩游草序余有成亦香吟館詩序亦香吟館詩集

盧洪攀字少白塘江人邑廩生本生父鎮莘攀與叔兄彝承家學益角遂以進故古近禮詩駢體文皆循循有法度道光壬辰歲大饑條列救荒諸章程上書邑令劉有慶令甚趨之叔兄彝卒於閩徒步千里持其槨暨其妾幼女歸延平哭叔兄云歲不歸來已惘然况經命殞劍津邊風塵苦况原吾慣菽水艱情果孰憐以後無池泮夢草其語有暮戀居蓬白雲遙覆潛潛淚惆悵度南一角天小歲夜書興化旅壁云風景閩南別一天重過况復是殘年欲安撲被幾無地將典文章不值錢薄紙宦情關世故飄蓬行跡感塵緣慈闈此夕思兒淚添個愁人瘴海邊榕城除夕云瀟瀟風雨連春春濁酒參燈夜瀾頻城曲過來潮有信嶺頭歸去夢無因聯珠集斷池塘草破衲衣添驛路塵旅檝淹留年已盡八閩誰共悼詩人榕城元旦且云重來剛又是春春暫卸征衫百斛塵徒以

羈留傷永別倍將倚望累慈親梅花古驛歸程遠柏葉戲城旅夢頻無那話鄉亭上坐  
瀟瀟風雨一愁人著有蔬香吟舍詩集新纂

朱祿衡字子冰燕溪人由副貢中道光丁酉鄉舉工吟咏精書法銳意功名甲辰丁外艱

歸遂絕意進取咸豐六年避地虔城聞賊勢披猖及官軍克捷悲憤激烈皆有詩紀其

事著有萬度草又嘗讀綱目正續二編取自漢迄宋名臣碩儒庸行高節韻而識之成

咏史詩鈔生平著述頗富著有種杏山房詩集周易經史彙參新纂

盧鏡茂字竹友塘江人由副貢生中式乾隆癸卯鄉舉生平潛心經術窮乎兀兀手春秋

一編取先儒傳說躬自抄撮博觀而約取之寒暑不少輟雖家計屢空弗顧也著有春

秋傳若干卷及門輩授諸梓晚年自悔多采用胡氏義毀其板年八十餘猶取舊稿刪

潤數過其好學耄而愈篤云

盧洪造號左泉塘江人嘉靖癸酉拔貢性豪爽少家貧父鍾善管令其乘儒習費乃泣求

卒讀克自成立晚年酷嗜春秋經傳早夜諷誦不輟有句云耽尋書味故逾新渾是交

情老更親蓋紀實也著有慈陵癡叟詩文若干卷據鍾崇儼盧明經家誌新纂

張大芹號雲涓增生文峯堡入孝友敎家同龔百口五世無間言不苟言動坐則如尸立

必如齊人無敢以非義干者間有紛爭片語解之皆冰釋刻苦讀書諸經悉有批註習

舉子業真守五家久不遇志益堅授書家塾非經史無敢竊寓目者晚宗宋學者有尊

閩洛論宋陸異同辨陽明良知辨據唐嘉德太史張增君卓誌新纂

蕭長瑞號雲卿副貢潭口堡人潔已好修愛名重節巖徒講藝以端品行化氣質爲先人

無貧富敏鈍口講筆削盡心竭知而後已尤篤友愛計得館穀悉分弟姪及濟親族貧

乏者無吝色一時趨其敎者常至館舍不能容門牆稱極盛云

黃啟珠號海門鳳岡堡人舉人鯁直敢言喜爲有益人事精習青鳥家言拯人每多奇驗

而不因以爲利又嘗倡建社敎貧者減息糴者平價積計歲息資助鄉試之費堡內士

農便之讀書不屑屑於章句手錄鑑史厚尺許皆前哲名論芳規奉爲私淑作文首重

根柢遊其門者多所造就云

宋 孝友

歐陽大明字和甫程龍二里人性純樸少從鄉儒劉昂學詩年四十屢試不遇紹興間父

母喪皆廬墓在黃公坑地極深邃每以三四學童自隨畜一白鷄一夕狸捕鷄入石

穴越夕雷震石裂狸死人以爲孝感祀鄉賢參府志葛志

元

蔡恢字汝大，事父祥，卿叔水盡歡。陸於兄弟至老無間。至大戊申，郡長燕，只不花厚禮之疏於朝命，未下卒。府志 祀鄉賢 萬志

明

蔡彬字文甫，永樂四年進士。官四川大竹令，寬厚得民任滿。當代百姓詣闕乞留，再任以親老乞歸。養賜救，髮焚母終服，闕不忍仕。卒於家，祀鄉賢。參府志 萬志

陳清福，崇信里人。父禮，鮑正德十二年二月充殺手，從縣丞舒富之信，豐會勦龍南，涓頭流賊，賊衆擁至，潰走。南康法當斬，而禮，鮑遠逸，捕者遂捕清福至軍門，無難色。代父死。

之參王文成全集 萬志

劉昭，理字汝溫，隆慶間由崇義貢官。連江教諭，性端恪，事父母孝，與士民處必以孝弟勸之。士人聞其素多服從者，祀連江名宦。府志

吳雁，字子秋，經歷。聰子事親盡孝，居喪執禮，母歿合葬。父塋廬墓三年，隆慶間御史旌其門。參府志 萬志

賴汝威，四坊人。鬻蔬供母，弟竊母衣物，汝威潛置償之。溫清如梅子者三十年，母亡廬墓三載，自悲養薄，遂終身啜粥茹素。萬曆中巡按張銓檄縣歲給布粟優異之。萬志

陽可幸，一廂人。父早逝，無遺產，事母盡孝。及母卒，廬墓三年。天啟間知縣陳瑾詳請旌表。

建坊巡按給布帛銀米旌獎之。萬志

鍾善政，四坊人。母扶氏病，政割股以食，母病愈。有司旌表之。萬志

羅天，牟城東人。幼失怙，母撫養之，稍長，事母極孝。家貧學藝，事供朝夕，必誠必敬。母歿廬墓三載，每遇疾風，迅雷，旬地號哭。巡按御史給扁額及粟帛旌獎之。府志

陽敷盛，一坊人。家貧，事母至孝。母病，割股以食，縣令詳請賜銀米給扁旌獎。萬志

陽敦盛，割股療父，巡按御史旌其門。萬志

府志將有道按敷敦盛時同必是一人，數數字形相似而謂其諸並存，俟考。按陽敷盛入祀忠義孝弟祠，而敷盛祀典闕如疑是二人，互報而乘筆者兩載之耳，故仍舊志登錄以示闕疑。又鍾善政羅天牟陽敷盛並祀忠善孝弟祠，而舊志不詳明何代何許人時代先後未詳，應定故附錄於後。

清

林春，蒼字愛日，南鄉人。年十七時值丙戌兵寇，父母繼逝，里巷空無人，兄出營殯具，春嘗

日夜守視尸及葬。江暴漲舟載，極自鄉達郊，幾覆溺，號泣挽抱，竟達葬所。人以爲孝感，繼祖母逃，散信豐獨往尋得之，養盡禮。仲兄春藻被寇傾產，以贖後藻，以拔貢，謁

選卒京邸，走數千里歸，其柩有他佃負租百十石，議鬻妻以償，嘗惻然捐償如數。佃婦獲全，子必儀，作標自有傳。參府志 萬志

李錫允，字執中，在城人。明季鼎革之際，錫允偕母兄避居蓮塘山，岩忽一日心動，促母別

遷俄而寇至若焚獲免於難時大兵征粵芻茭供億惟按籍遞征邑中度不能供者竟甘以絕戶告錫允曰毀家紓難古也今之人奈何以無後誠其先乎獨力經營勉罔懈後稍能自造乃復祠宇修墳墓清田廬界畔事母兄孝友一堂內外無間言文補志

蔡均安字綬男城東人幼喪母一孺幾絕既窆朝夕哭奠墓下甲申之變父攜之避寇猶乘間奔母墓泣拜而後行父爲寇所掠踰入營籬以身代賊憐其誠遣偕父去且遺以物卻弗受甫平定有司逮其父爲里長督催遣賦安詣縣請代吏爲白其往事令曰寇尙爲汝感動吾獨不汝貫耶卒免其役父歿廬墓夜有何其寢而竊衣者見巨蛇逸廬扉遂不敢犯人以爲孝感云卷府志

朱尙台字怡松北鄉陽團人性至孝母善病尙台侍湯藥服事唯謹康熙甲寅奉母率家人避輶中途遇賊忽暴風雨晝晦冥道旁樹拔折闔家踰伏其中竟獲免人以爲孝感健王志  
文補

陽汝貞三坊人幼有至性年十二粵藩叛其父見殺母吳氏被兵掠漂泊蘇門備賃李家吳日夜泣念子女新惻然爲詳述籍貫托其里孫望雅子姪自都門寄書南康時汝貞鬻身南楚念母日夜悲號遂乘間歸里思尋母未識所在久之都門兩信皆達遂隻身徒跣八十餘日竟達衛輝奉其母以歸分離一十五年矣大梁孟發祥王郊成嘉其

孝贈以詩孫望雅爲作陽孝子傳府志

謝嘉芹字泮毓蚤失怙事嫡母周生母劉孝養無間周嬰疾數載恆衣不解帶周劉卒皆年逾九十塋後廬墓側哀泣終喪建府志

王崇璠字璉也城東人祖以從父家善速瑚同居已五世矣食指日繁而先世所部冢冢法遵守尺寸不少諭性至孝事慈闈色養備篤母氏責偶拂意瑚長跽膝前伺母色喜乃敢起嘗攜別墅廣儲書籍延知名士族子弟之績學能文者皆使肄業其中故舉於鄉館於庠者一時彬彬稱極盛焉卷王崇璠王氏三世傳歐陽明武王君志銘

王崇範字文策一坊人七歲失恃讀麥莪之詩三復流涕祭奠夜歸遇虎幾傷其童卒無恙人稱孝感授經所得過歎歲歉濟饑掩骼著有內省問心等集卷萬志游紹分王君小傳

謝希安字次仲在城人幼有至性康熙甲寅兵燹空城出避希安獨以父病困不忍去及父歿猶殮殮成服不以干戈廢禮愛諸弟姪甚拳邑令申毓來留心風化極重希安有大節舉行鄉飲酒之禮延爲賓首者再彈心經學五經皆手錄成帙晚以歲貢選靖安訓導未及任而卒以孫啟昆貴累贈皆如其官建府志

蔡恆純字董儒天性肅孝蚤失怙母性嚴切恆純奉事唯謹先是厥考營葬沙溪費金累百母夢夫之幽毛不安即與兄謀卜吉改葬母歿喪葬盡禮膺康熙乙未歲貢遂絕意

進取嘗於宅後建樓積書萬卷課諸子讀據王志藝文補

王煦字霖須在城人性通豁闊略自喜而至性尤篤父母歿皆廬墓每哀號輒有羣鳥繞樹鳴集人以爲孝感子聘歲貢生善承父志家有遺產叔有子三人析爲四而自取其一云節高志

謝恩薦字樸齋庠生在城人希安子樸學力行子啟昆守揚州日戚族有欲爲恩薦稱勸者適給中某令運銅舟覆欄滯邗上亟語啟昆罷醮會之費以拯之生平尤篤孝友先世遺產皆積以贍家族云據王志藝文補

王永蓮字聘三崇範子幼隨祖汝翼肄業粵之南雄聞父病徒步數百里歸省父性畏藥永選長距榻前父感其誠一服而安雍正壬子舉於鄉官德化縣教諭致仕歸諸生依依不忍別舟送數十里據王志藝文補

何琦字慕韓龍華江人年十二失怙弟殯時九歲甚友愛事母尤孝雍正壬子舉於鄉琦朝夕侍養不請香赴選者三十餘年服闋赴京候選授定州州同攝牧篆適城崩塌捐俸修葺畿南蝗琦躬率民驅除有法蝗不爲災解組歸卒子明經荃尤好學著有春秋五傳錄要據王志藝文補

蔡明選字上賓四坊人父于謙嘗率衆修先聖有誣爲毀祖者控於府長官嚴厲族人與

于謙怯欲逃選以身代父反復辨晰誣乃雪仲弟明通早逝婦王氏守志屢請選之子爲夫後選曰後汝夫吾子固當使緣此受產非所以已爭不如立兩叔子爭乃已婦泣受命得所恃以守至邀旌典據王志藝文補

賴萬錦字五爲芙蓉鄉人性至孝先意承志親有所嗜嘗味爽走度市以進親同對以偶售門外不令親知也佃戶某積欠數載一日攜囊至詢所從來曰嫁女財也謝弗受據王志藝文補

盧仝字字一郡廩生晴江人歲貢大榭子師事新建名士劉斯組制藝有鄉先輩五家風

詩古文辭亦幽奇可喜性至孝母氏蔡善病侍湯藥衣不解帶後疾不可爲每夜私禱於天求以身代母歿仝痛哭幾絕俄而甦遂出赴河死家人迹之見一履遺沙際而已後舟人來告下流打鐵灘彷彿有一指上豎水面撈視果其屍也顏色不少變殮之衣兩手伸縮自如死經水底七晝夜矣聚觀者莫不哀泣嘆異後蔣士銓作詩哀之見藝文志

周純鉉順化鄉人性至父孝志遇多病晝夜侍湯藥父不食寢已亦不食寢及卒依墓結廬其母憐鉉年近五十強之歸母歿一櫛幾絕復廬墓爲久居計日食餽粥三年衣履敝不更新長子庠生玉書念父在墓所妻死不續旋以憂卒家人恐再傷其父不以告純鉉亦不知也其專一真摯如此邑宰何溥詳請旌獎

明應臧字世杼北鄉人幼失怙奉母三十餘年常得高堂歡母歿哀慟幾不要生及塋廬墓三年教諭程元起爲作傳

據王志藝文補

何紳基東山堡人家貧好學賦性純誠父母歿廬墓六載道光十二年知縣劉有慶詳請知府李廷錫給匾孝行可嘉旌獎

劉元綱字振三巾石人恩貢生賦性純誠植學篤行父母歿廬墓六載嘉慶乙亥劉廣文

溫運華北鄉人力田養親母歿華稟命於父留弟侍養廬墓三年父歿亦如之自悲失養

茹素終身

新纂

張昌志郡庠生文峯堡人早歲失怙終身不復娶生平不苟言笑非應試未嘗入城市惟

課讀養母躬自薪炊浣濯五十餘年不倦得館穀計足一年之養雖重金聘之不復應

丙辰寇擾負母結廬於秀峯山脊常負米數十里外土匪憫其孝至其廬亦不擾後母

故殯葬如禮寢食靈側每食必獻酌必先如事生然每歲元旦錄文昌孝弟經貼祠堂

張子弟講解不倦著有秀峯山房試帖年六十卒

據熊聯珠張君小傳纂

善士

宋

袁樂仁宗朝征儂智高大兵度梅嶺糧運不繼樂仗義助穀二千石後凱旋題叙其功時

已即世建祠祀之

府志

明

蔡世憲庠生前知父娶張氏早卒年未三十終身不娶壽七十終崇禎甲申知縣姚禧詳

請旌爲義夫扁曰貞義垂芳

葛志

朱文禮洪武間輸粟二千石助賑題准建坊旌表

王時潤宣德間輸粟一千二百石助賑題授冠帶

蔡有經

王子安

郭溥

王富兒

黃大備

鄧汝器

蔡惟庸  
吳永嘉

劉伯通

吳子彰以上十名府志係正統間人府志係宣德間人各輸穀千石題准旌獎

陽興福正統間輸粟二千石助賑題授冠帶

王世隆景泰間輸粟一千二百石助賑題授冠帶

賴經魁成化間輸粟一千石題授冠帶

王菊魁成化間輸粟助賑題授冠帶

郭嘉恩成化間輸粟三百石又助修城授九品服

王琴趣成化間輸粟助賑題授冠帶

吳登顯宏治間輸粟築城工成題授迪功郎

王 衷宏治間輸粟助賑題授冠帶

王本初正德間輸粟助賑題授冠帶

蔡宗潤正德間王文成援省助軍餉題授冠帶

王世通正德間輸粟助賑題授冠帶

朱明傑正德間輸粟二千石題授冠帶

王貫魁嘉靖間輸粟一千六百石題准旌表

周寬頤嘉靖間輸粟一千石題准旌表

王君山嘉靖間輸粟二百石題授冠帶

王友椿

王東周

王廷元 上三名俱嘉靖間輸粟助賑題授冠帶

陽繼封隆慶三年輸粟五百石助賑後又僱復輸粟一千二百石題授宣議郎

朱光昊萬歷間輸粟一千石題准旌表

蔡均寬

蔡均岸

賴汝謀

王溥鯤

張相明

幸公相 以上六名崇禎間各輸粟五百石題准旌表

蔡均甯崇禎間輸粟一千石題准旌表

郭民宗

蔡世愈以上二名崇禎丁丑饑流朔三月巡按給匾旌獎

清

李盛祿字宣仕城西人家素饒歲旱澆米貴給米賑濟捐資贍族及修道路橋梁嘉慶一

十六年知縣徐景詳請旌表建坊顏曰樂善好施

參王志

王宏璧字至翼幼失怙恃哀動鄰里及葬遭暴漲溺水逆流而上抵淺沙得不死若有神

助焉者靖難忠臣蔡運墓人據竊其地宏璧集同志清復之

府志

康熙戊午歲大歉出

穀賑饑病者藥之歿不能具棺者賻之祀鄉賢

府志

李上謙字六皆在城人年十一喪母第五弟生甫數月時避寇山岩不可得乳上謙每食

必先哺之兵燹後失高祖墓一日經其處忽心動遂得碑碣夢大父捫蝨啟視有蟻患

改葬乃免嘗自贖歸塗拾金守候遺金者至畀之有僑客負金久不問一夕忽以半償

卻不受

參府志葛志

郭良梓字拂雲八歲遭兵亂時朝命使者賑遺黎梓往受粟歸養父母長明敏有斷凡事

有關大義者皆獨力爲之康熙丁酉邑令李遷奎聞於七星壩梓始終經營其事郡修

學宮捐金首倡邑建尊經閣出山木數百株助之

據王志藝文補

李用梅字調鼎性孝友爲母黨置祭田處兄弟推財讓產一堂雍穆

葛志

康熙己卯以歲

貢官上饒訓導凡關學政竭力興舉生平三修學宮賑饑濟困皆傾囊爲之南安度嶺

夫按糧派役南康糧多役繁用梅集同志請於當道差累賴以稍蘇

府志

祀鄉賢

盧聲聞字符質塘江人崇籍歲貢有學行邑令申毓來禮重之一日特造其廬表其堂曰

盛世楷模平生慷慨好義康熙乙未以後里大被四聲聞出所儲穀以賑前後凡千五

百餘斛嘗欲做朱子社倉以闢戚里未及行而卒子舉人大川等遵遺命捐穀置倉知

縣何多學記妻劉氏亦賢六十壽辰謂諸子曰與傷賓爲無益費蓋節是積穀以益汝

父義倉乎於是穀益積所及乃益廣洎歲饑川等又推廣其志或給賑或減糶因貧差

等施之

參府志葛志

李日詩邑庠生在城人乾隆癸亥詩同邑紳蔡紹清等屢念桑梓人文謁郡伯游紹安請

建旭升書院詩始終經紀視公事如己事竭誠盡憤自癸亥以迄丁卯五年間書不遑

食夜不安寢勞煩過甚因得疴病而卒記所謂以死勤事者歟

據邑令郭國記補

賴建柏字偉貞在城人生五歲而孤節母郭孺人撫之迨長入學食餼有聲庠序甲申歲

大饑請於節母施粥賑粟全活者衆康熙四十七年邑令申毓來修學宮柏獻明倫堂



曾經開左基地乾隆四年邑令李配仁以學宮濱河患水衝決柏獨力築堤捍之置祭田數百畝以供祖祀以廩貢選永豐訓導辭不赴據王志藝文補

李日賓字見如號穆齋在城人道光辛巳舉人生平勇於爲善邑中平糶置義倉撰志乘諸要務皆竭力經營道光丁酉修學宮尤始終其事不辭勞勩歷署甯都清江分宜學博日與諸生以砥行植學相勗孫高聰舉人由教習期滿授蒼梧知縣惜未竟其用而卒云新纂

賴櫛號露樵歲貢本城人雅好讀書爲文力追先正銳志科名老而彌堅嘗言在棘園中見過中秋月圓二十餘度孤潔耿介無競於人守分安貧數十年躬自執爨析薪種蘭負米以自給晚愈困頓杖履龍鍾時或盛夏而裘時或隆冬而葛而一介不苟從無城市腥膻之慕至義所不讓挺力起爭重金賂之不爲下咸豐六年土匪攻撲縣城所在俱遭逼脅嘗因避徙南鄉塗遇匪黨持紅巾脅裹以從賴厲詞色峻卻而唾罵之且爲反復諭以利害不休匪雖憚惡不可理馴而格其懷誠皆相戒勿犯感謝之曰先生且行毋預我事其高風亮節類如此庚午鄉試終場榜後欽賜舉人方奉旨遂卒年八十有五

余公勝塘江人石塘堡濫泥坳塘江堡平田山石窖攷三處孔道路徑傾仄乾隆二十年

### 公勝捐資修平砌石行客賴之新舊志

鄧夢勳字映虹高塘村人由例貢授州同職勳聚族而居大小祠不一曰五大曰德政歲久傾圮倡修整齊族有貴寵堂置產積儲更置塚坑地田租一百五十石以贍族累修橋梁道路伐石平治者五十餘丈每歲歛出粟米以貸貧乏獨其息憫行旅之渴於往來通衢設立茶籠凡貧老病苦歲給衣米藥物不能葬者予以構生平樂施計費不下數千金訓導劉獻傳其懿德以風世據王志藝文補

邱運麟捐資倡修自邑城至大庾石橋計十餘里併修砌一帶大路王志

廖良綸監生潭口堡人道光壬辰大饑斗米伍百八十文綸捐米五百石並糾約同志捐穀減糶知縣劉有慶詳請撫憲旌獎顏其門曰誼敦桑梓新纂

彭封國西鄉人道光壬辰大饑西鄉尤甚設局給米封國始終無難色至新穀登場始罷

知縣劉有慶詳請知府李廷錫給匾獎勵新纂

郭緒鏞字東宣在城人軍功保舉五品銜邑城北關至塘江計程四十里自城埠堡至寡婆橋路每遇霖雨泥濘滑澁往來維艱同治二年鏞與廖開昱共捐八百餘金修治砌石路徑平坦行旅賴之

何順意從九職西北鄉人幼失怙事母至孝喪葬盡禮年十八娶妻至三十而妻亡終身

不娶尤孜孜樂善不倦遇疫施藥歲饑減糶學憲張給匾曰義敦鄉里

廖開昱號扶門恩貢生潭口堡人生平見義必爲凡修理文廟城垣荒歲賑濟捐資育嬰以及修橋造渡施藥給棺一切善舉悉竭力經營無吝色亦無德容咸豐三年上猶土匪竊發昱設質庫塘江與衆紳舉辦團練援解濟圍六年丙辰潭匪蠢然煽亂昱偵知逆謀密稟署縣台明阿設法搜捕事洩而逆謀益急會前縣周汝筠演勇索圍口根羣逆乘釁揭竿蔓延東北兩鄉昱綜運練局參預戎務設圍招撫卒能矢志同仇戡定大難厥後克復郡城防守邊隘越境堵勦募勇籌餉保障故都昱之力爲多屢膺保薦詔授朝議大夫欽加鹽運同銜遇缺前選知縣補缺後以知州升用同治年間請廣學額添置試館備員義倉而閩邑賓興尤鼎力措拄始終不倦云

### 隱逸

宋

田開字師孟

府志作思孟

天資篤實嗜學不倦嘉祐間游上庠二十年無所成浩然歸隱號

大隱居士藝花木九日嶺側曰東園作堂藏書曰六經堂開四齋扁以忠孝仁義九子

各授一經登第及特恩者七人時稱義方者歸田氏祀鄉賢參明一統志

陽孝本字行先學博行高熙甯中游上庠耿介不諧於俗蘇頌蒲宗孟皆以山林特起薦

之宗孟延爲館師將歸問所欲曰願爲市書蒲以二歲俸盡置書凡千卷送之歸後徙

居贛隱通天巖蘇軾自海外歸過而愛焉號之曰玉巖居士嘗直造其室知其不娶戲

以爲元德秀之流孝本自言爲陽城之裔故軾詩有云衆謂元德秀自稱陽道州隱逸

二十年一時名士多從之遊崇甯中舉八行解褐爲國子錄轉博士以直祕閣歸老祀

鄉賢

參宋史明一統志

明

蔡遜字公權彬子邑廩生舉賢良方正歷官江山同安福清縣主簿明制巡按行部行李限以一篋適有違制者遜阻之詭職歸隱連塘鄉人賢之名其所居曰大人洞節爲志

武動

梁

盧光稠譚全播皆南康人光稠狀貌雄偉無他材能而全播勇敢有識略然全播常奇光稠爲人唐末羣盜起南方全播謂光稠曰天下洶洶此真吾等之時無徒守此貧賤爲也乃相與起兵衆推全播爲主全播曰諸君徒爲賊乎而欲成功也若欲成功當得良帥盧公堂堂真君等主也衆陽諾之全播怒拔劍擊木三斬之曰不從令者如此木衆懼乃立光稠爲帥是時王潮攻陷嶺南全播攻潮州取其虔韶二州又遣光稠弟光睦攻潮州光睦好勇而輕進全播戒其持重不聽度其必敗乃爲奇兵伏其歸路光睦果敗走潮人追之全播以伏兵邀擊大敗之遂取潮州是時劉巖起南海擊走光睦以兵數萬攻虔州光稠大懼全播曰吾知劉巖易與耳乃選精兵萬人伏山谷中陽治戰地於城南告巖戰期以老弱五千出戰戰酣僞北巖急追之伏兵發巖遂大敗光稠第戰功全播悉推諸將光稠心益賈之梁初江南嶺表悉爲吳與南漢分據而光稠獨以虔韶二州請命於京師願通道路輸貢賦太祖爲置百勝軍以光稠爲防禦使兼五嶺關通使又遣嶺南軍以爲留後開平五年七月間以字印爲號其子延昌而事之延昌好遊獵其將黎求閉門拒延昌延昌見殺求因謀殺全播全播

懼稱疾不出求乃自立請命於梁乾化元年拜求防禦使求暴病死其將李彥圖自立全播益懼遂稱疾篤杜門自絕彥圖疑之使人覘其動靜全播應覘爲狀以自免彥圖死州人相率詣全播第叩門請之全播乃起遣使請命於梁拜防禦使全播治虔州七年有善政楊隆演遣劉信攻破虔州以全播歸廣陵卒年八十有五當盧氏時劉襲已取韶州及全播被執虔州遂入於吳五代史

按盧光稠譚全播舊志闕佚府志今爲上猶人而人物志一載南安又載贛州考舊唐書盧光稠以光啓元年起兵陷虔州里人譚全播爲謀主厥後請命於梁梁以爲百勝軍防禦使時未置上猶縣也楊與順義四年析南康地置上猶屬南唐始改場爲縣距光稠全播據虔州之時已遠矣光稠全播未可遽稱上猶人茲據五代史訂入讀書禮古實事求是固非爭一二已朽之古人爲志乘光也府志失核

忠義

明

蔡運字來儀洪武二十一年貢府志建文中歷官四川山東參政清勳不諧於俗罷去知

賓州有惠政靖難師起不屈死之通志祀鄉賢並祀省會大節祠葛志

按節節忠死事通志府志五異府志云歷官四川參政勳直不諧於俗罷歸復起知賓州有惠政永樂初亦以道論奸黨死焉

志云由貢任賓州知府後升四川參政建文四年四川出兵部侍郎廖平等二十二二人願隨行運與焉後以隨行不可多人楊應龍

英希賢稱濟陰俱死難考通志文明高恭大節祠記云嘉靖中句容姚宮棟槐木竅賊靖難死者得齊泰而下百十有八人

萬歷初詔在江西者做所司祀於鄉澤地於高土坊北堂列蔡忠王本祀述而論死者黃子澄練子甫胡調彭與明忠黨死者劉

靖王高自盡死者周是修顏伯壽子有為鄧蓮王良魏冕曾詔王省守城死者賓州知州蔡運合之得有五人事見革除志中

清萬任上宋撫軍書云蔡公運則守賓州城死者守為建文守死為建文死事見革除志中詳司馬高恭碑記可無疑也府志雖據

明史而萬恭係萬歷間人歷紀建文殉節諸臣自爾居建業八載多所討論當其實至葛志則據致身從亡等語蓋帝遜國朱棣

尊朕書亭集辨之詳矣考吳賢家藏集有史彬墓表稱其以力田拓業代為稅長史繼西村梁曾祖文府君行狀祇言洪武中練

食更赴關事均無一語及靖難儲謀等據以正致身賊之偽故致身賊亡隨筆姚際復列入古今偽書考又節監生平宦績

先後葛志亦與通志府志不合疑以傳疑可也

王溥霖字宏敷有義氣正德十二年二月龍南強賊攻掠信豐王文成舉霖為義士霖糾

合族里奮擊斬獲恃勝不虞設伏沒於陣是月十一日巳時也文成製文親祭奠書忠

義扁以褒之葛志

按通志府志正德間文成征董澤霖杖策謁見糾合族里願從軍者為數除奮擊斬獲後復勝不虞設伏遂陷沒文成皆扁以旌之

考文成全書勳龍南信豐流賊係三月間事征董澤霖十月間事勳賊非一地月分亦迥殊舊志載澤霖陣亡與通志府志不合未

知孰是

藍成鵬藍田人有智勇才略充義士在王文成幕下勳信豐賊死於陣文成親書忠義二

字為額遣官祭之妻鄧氏守節終其身府志

郭民勵字不息崇禎十二年崇義歲貢官德化縣訓導盡心誨士左良玉兵變冠帶升堂

罵不絕口左志甚殺之參府志葛志

黃榜字飛子太平里人邑廩生家資否耕素仗義值閩賊擾亂率眾固地方賊突至蘆源

抗榜拒之賊伴走走次早復來勢洶洶眾潰榜獨奮而前竟以身殉府志

郭建名字間生籍崇義學性剛烈閩賊犯境鼓眾出城擊之追至水南賊伏南山坑郭眾

過甫半賊從間道出殺之府志

清

盧文祥派名來井字魁文塘江人先世多以儒顯文祥以明綱不振盜起燎原遂謝去以

武勇聞甲中之變土寇盪起乃出家資具版幹築土圍以安老幼訓練丁壯使環而守

境賴以安康熙甲寅總鎮哲率師經過時賊掠河西諸村文祥縛其渠以獻授千總職

劉帶征猶峒有功遂授守備後四年將軍傳入廣西討賊臨敵師潰文祥獨率所屬力

戰歿於陣據王志藝文補

南康縣志第一編 卷八 人物志 十九

盧俊瑤字君佩桐樸人附貢生性篤學雖處饒家而素甘薄淡咸豐六年土匪蔓延圍攻  
虔康兩城里中羣不逞謀豎旗應之瑤與同里張翰等協謀擒殺首禍者十七人乃傾  
資募勇保衛鄉井四月二十七日匪由琴嶺圍撲集勇四伏每一呼山谷皆應賊遂驚  
潰虔郡康城圍解瑤走謁巡道汪報聞知縣周汝筠均極嘉獎益忠義自矢毀家紓難  
計自六年團練至九年克復郡城捐資蓋逾十萬緡云新誌

道學

明  
劉昭文字汝簡翔子嘉慶十七年進士性警敏年二十中鄉試聯捷授行人轉司正升刑  
部員外郎以朝儀謫年甫二十五遂絕意仕進從學於漉文簡鄒文莊之門所著有求

正集按鄒守益諡文莊王陽明之弟子

王事聖字忠卿嘉靖三十四年鄉舉嘗受業羅念庵之門由武康教諭擢知華陽縣會三  
吳方興水利欲得才略敢任者移蘇州同知吳大機羣無賴自晝掠民間積粟大吏以  
屬事聖事聖陳說利害散其黨真巨魁於法餘悉不問權守鎮江歲却織造及木簡例  
金千餘妖人汪元洪等煽亂事聖先授計旁縣勒兵待出賊不意自馳往檢元洪為從  
者不窮治口未嘗言定亂功也俄為忌者所中調黎平軍民不輯事聖以公誠臨之復  
上疏改鑄印文加軍民字邊境靜謐婁羅之亂核功者首公功復為忌者所中致仕歸  
蘇州鎮江俱祠之姜宗伯寶稱以念庵先生講聖賢經濟之學而公實為高弟平日所  
得於先生者深謝中丞詔為傳謂歷官所至有政蹟而蘇之治水潤之平寇功尤偉云

清

祀鄉賢 人物志府志

林作樸字崧章春嘗子幼即知讀書敦行事嫡母尤能承其歡雍正六年以歲貢授德安訓導辭不赴杜門撰輯著有四書精要二十二卷於儒先之旨時有發明其序謂俗學不以爲道學之淵源而視爲富貴之捷徑惟欲苟成以速倖功名故謬戾相沿於程朱及先儒著述皆謂迂闊難窮斯道安得而不晦哉作樸嘗自刊行世

府志

列女

兩間正氣鍾於鬚眉者不足異而鍾於巾幗者爲尤奇蓋丈夫讀書明理素悉大義名教所關自當殉名全節婦女則詩書未見綱常未明猝遇不幸輒能從一而終百折不回其性爲何如也南康雖僻壤自宋賈女烈節代有嗣徽或未嫁殉夫或捐軀抗賊或截髮茹荼青年守志自首完貞者乘不勝載豈非正氣之所鍾表宅里樹風聲自當邀朝廷旌獎第窮簷蔀屋未能盡達載諸竹帛亦足永垂於奕葉節義重則以盛衰存亡異者知愧矣亟登之以勵風化

宋

劉女吳村居勝里田家女也幼時父母許以適高州蔡姓已而悔之更許吳吳卒又欲以歸蔡女曰先使我乘蔡許吳今又欲從蔡是大傷風化何視吾身太輕也因悲憤沉潭水而死鄉人避之名曰賈女潭立祠潭上

明

劉氏王時彥妻時彥卒劉年十九誓不他適孀居不輕踰壺外亦鮮與羣婦同語坐守六十年知府張弼奏聞未報弼賦貞桃篇劉居其一也

何氏縣學生劉泰妻泰卒無嗣何年十九孀居無他志年七十八鄉族無間言郡守盧溶

賜以絹綢米肉擬奏聞去任未果

朱氏蔡妻真妻真死朱年十八事舅姑撫幼兒惟謹內外咸稱之年九十有四郡守盧濬賜以綢絹米肉擬奏聞朱隨卒

吳氏縣學生李彬妻彬卒吳年二十一誓無二志年八十有二郡守盧濬賜以綢絹米肉擬奏聞去任未果

奚氏吳在甫妻甫卒奚年二十家貧守節事孀姑以孝撫孤成人未幾孤媳俱亡市民求之剪髮自誓年六十而卒

汪氏王事徐妻年三十夫亡守志踰六十不改萬歷十年奉詔賚實御史旌其門

吳氏賴養能妻養能卒吳年二十三無嗣誓志自守閨壺肅然父母欲奪其志乃所持益堅不造外門者久之嘉靖乙巳提學蔡克廉檄縣旌獎年九十而卒

賴氏郭居端妻端庠名怡端卒遺孤甫三歲賴年二十四富家幕之爲室乃晝夜擁短刃自防穴給餼粥比子娶孫生氏年尙艾父母諷其可復厲聲曰夫死有子子有孫我將焉往竟誓靡他年踰九十而性猶以節烈聞院道歲給粟帛存恤之

陽氏生員商志賢妻賢卒陽年二十子繞一歲誓不再適事姑以孝聞卒年八十有六萬歷二十年奉縣令汪承爵府守宋萬葉詳請旌表建坊

蕭氏廩生郭處易妻州同夔之母也易病將殞與妻訣曰汝少母爲二孤故嘗善事後人蕭嚙指泣曰此言何爲也妾事君有年豈不諒妾耶妾或改心有如此髮遂剪鬢納易懷未幾卒毀瘠短髮數十年常辟繡畫荻訓兒成名年躋耄畫邑令傅爾佐申詳院道府給匾旌獎題請建坊大學士劉一燝爲賦貞節篇

郭氏吳望昭妻邑城西二坊人氏年二十三而夫亡遺子撫養家貧啜粥織紉自如誓無他志年至七十累奉按院給粟帛旌獎

賴氏王一詡妻年十八結髮甫四載遂斷髮以誓靡他守節六十年貞操不逾巡按張汝懋奏請旌表建坊

王氏郭希綸妻綸卒王年二十四事舅姑撫子遺朝夕乾惕內外無間言親族有使老嫗諷之改適者王曰婦之幸夫未亡者止有此肉耳婦存兒存婦去兒去至兒去而夫乃真亡矣不如死爲正遂持刀刺血軀奮救得免人遂不敢犯壽九十八而終按院田珍具題旌表

易氏邑二坊郭民父妻寓居大庾崇正辛未流賊鍾三石犯境破府水城賊執逼之不遂從陰戶刎而殺之時府庾兩庠生員白其事於府道院督學王維夔給匾旌獎

郭氏王文成公幕下力士藍成鵬妻鵬陣亡民誓死不二白首霜鬢巡按旌表其門

郭氏劉潤澤妻潤澤卒郭年二十二嚴毅自守撫孤稍成人而孤亡乃立夫弟之子爲嗣備嘗艱苦富民求之誓死不渝年七十九而卒

李氏蔡安秩妻安秩卒李年二十二誓不違志撫孤時寵訓成彥士以貢入大學氏年七十有三而卒

吳民文學陽茂照妻事蹟詳見藝文

清

扶氏生員王祐妻丙戌兵臨懼辱扶節容徽服自投玉字街井而死

賴氏庠生蔡顯昞妻爲寇所掠至黃土潭沈水死亦丙戌年事

蔡氏王家熙妻丙戌借十餘婦避寇小水玉潭山聞寇至連累婦上樓蔡氏自縊樓上衆

婦幸而瓦全

王氏庠生蔡國藻妻爲寇所執欲汚之厲聲抗拒寇忿甚殺之

鍾氏名菊女二廂九甲王紹寰妻也事姑至孝家貧織紉自活常飯夫而自啜粥絕無怨

聲丙戌廣兵退營夫被執鍾年二十有四懼辱抱幼子投入後園魚塘中後數日夫脫

同起屍面色如生邑人哀之

郭氏歲貢良工女廩生賴尙珠妻廩生建柏母也尙珠卒郭年甫二十二誓志孀居事舅

姑以孝聞年三歲孤以養以教督課成名父死於兵力求骸骨殯葬之母弟爲寇所掠

罄簪珥贖之以歸年六十卒康熙四十九年旌表建坊

許將愈未婚之妻鄧女標秀鄉飲大賓振樊之王安慶左營守備雲從孫女也臨嫁而將

愈卒鄧女年十六聞訃悲痛號泣哀極忘生誓欲從夫於地下旁人力勸不解既而閉

戶鳴咽卒自經死死後異香數日面色如生康熙五十六年題准旌表建坊

王氏郡增生李仙所妻武舉日謨貢生日誥之母也夫歿哀痛幾絕孝奉老姑訓遺孤成

名既而嫂兄物故俱厚贖之治家勤儉體恤周貧子日謨任江南興五衛五幫領運千

總勅增安入雍正四年題准旌表建坊

劉氏儒士盧大濂妻贛縣監生劉仁德女氏年二十七夫歿一慟幾絕既念遺孤僅七歲

且有遺腹可望再舉男未可以死輕也後果生男守志二十載而卒雍正五年題准旌

表建坊

明氏順化鄉呈四里入鄧祥南妻南卒婦年二十遺子半歲誓不再嫁居家嚴謹擇師課

子守節三十年卒其子作勵入縣序

張氏順化鄉呈四里庠生鄧就湯妻氏年十八生子甫一月夫卒誓志撫孤訓誨讀書守

節四十餘年卒其子文聚入府序



陳氏賴尙用妻年甫二旬夫卒孀守撫孤壽登六十苦節四十年子若孫皆成立後奉度都院蘇給匾旌獎

陽氏處士林高孀妻生員春英母拔貢貞作梅祖母也高孀卒陽年二十有四遺孤甫半歲氏執從亡之義水漿不入口者五日族婦慰曰上有雙老下有孤兒付托何人因含悲忍淚易殉夫而守節奉高堂謀鞠子丙戌兵戈擾攘遇寇奪兒受刃幾斃惛惛中彷彿有神救得甦兒亦無恙此皆孝節所感也亂定理家艱難拮据課子成名年躋七十而歿翰林院修撰李蟠爲作傳載入藝文

黃氏本姓王生員黃裳妻孝廉黃璋母也裳吉卒氏年二十四誓志守節課子成名早登賢書內外無間言年躋六十有二而歿邑令申毓來具詳署府遲維稟批允旌獎

田氏順化鄉里民蕭榮先之妻生一子一女甫離襁褓氏年二十五夫死忍貧守節姑與叔欲奪其志不從復凌迫之是夜將半氏私挈其子女同赴河濱而死戊子年三月二十日也已丑邑令申毓來詳郡侯陳奕禧請表其墓建亭立碑紀其烈蹟記入藝文

以上三十三人雍正九年崇祀節婦祠  
李氏府庠生朝元女唐江盧大週妻年二十三夫遺一孤氏撫之受室而天生孫半歲復孀氏爲孤立嗣以死祀家徒四壁勤十指以易升斗力爲節裔然不再食者旬有

屢日矣年六十九而卒乾隆元年題准旌表建坊

周氏郡庠生盧鑑妻國學生來崇之母年二十五孀居孝事翁姑苦志撫孤祇四十五年柏舟之節完六十九載匪石之操乾隆元年題准旌表建坊

袁氏邑諸生鍾應璧妻璧卒氏年二十九哀慘欲絕誓以身殉及見舅姑悲號不已三孤纍纍衣復淒然曰吾非一死可以塞責遂強起端子婦職撫諸孤長即教之讀後伯子宏任年未艾領歲薦仲子曰純補諸生諸孫繼起有聲年七十有七而卒乾隆元年題准旌表

劉氏贛邑歐潭劉伯耀女年十四歸唐江盧大祐三十祐亡守節二十二年至五十二而卒耐貧撫孤負性貞節自孀居後足未嘗踰戶間與妯娌宴會終日不聞其嘖笑族黨親屬至老罕識其面乾隆二年題准旌表建坊

吳氏朱錫遴妻遴貧甚每讀書無膏火氏以簪珥換油遇考試乏費斧輒出鞋履無吝惜遴卒時氏二十三撫一孤事舅姑內外無間言氏以夫賈志歿尤篤意課子早入郡庠乾隆五年題准旌表建坊

高氏郡庠生鄧鳳池妻年二十五鳳池卒遺一子甫三歲池上下三世不絕如縷者唯此高矢志撫之以延夫祀稍長訓誨勤懇孤入郡庠未幾死呱呱二孫高同媳翼而長之

二世孤危迄於成立微高之力不及此年六十四卒乾隆十一年題准旌表

許氏順化鄉旱四里生員鄧懷萬妻萬卒子幼許年二十六孀居四十餘載柏舟矢志奉翁姑撫二子茹荼和丸備極艱辛乾隆十一年題准旌表建坊

張氏儒童鄧標祥妻年二十五祥卒遺三孤俱襁褓張誓死靡他剪髮納棺中曰吾上有老姑下有幼子身不能殉以此髮相從地下耳事姑以孝聞姑死喪葬如禮鞠孤子課督嚴謹不假辭色年五十一病劇願謂三子曰吾身衣縞素者二十七年今將見若父於地下殮用布帛足矣乾隆十一年題准旌表建坊

郭氏儒童周仲庸妻年二十八仲庸死守節四十八年鄉進士奉議大夫唐廣陶有傳乾隆十一年題准旌表

郭氏修職郎何鑑妻鑑卒郭年二十四越數月遺腹生一子父母恐其年少微諷之郭抱孤泣曰婦人從一而終分也吾夫早亡幸有此一塊肉奈何以不入耳之言來相勸勉乎不顧而睡自是不歸甯者十餘年奉事翁姑孝養備至姑病焚香默禱願以身代姑卒郭哀毀成疾不數月亦卒得年四十有二子嘉深授縣丞職援例增孀人乾隆十二年詳請旌表建坊

袁氏贛邑舉人原任山西陽城縣知縣袁世佐次孫女也適儒童朱錫迪氏歸未及事翁

姑每祭祀設香案祭拜無敢忽嘗曰祭之豐不如養之薄吾於祖父母未及生養已抱恨於此猶敢有怠心耶迪奮志攻書成疾及病篤淚盈願妻妻曰是殆慮吾有二心耶毀容自誓削髮一束拳夫手迪乃瞑曰氏年二十五殯夫後抱男依伯祖母鄧氏同居終日閉戶惟紡與績而已孤長每指示所知一二古人以坊而朱氏歷世單傳今嗣息漸衍皆氏力也乾隆十二年題准旌表建坊

王氏郡庠生蔡明通妻會昌訓導廷蒂女年二十五生子數月明通病劇氏焚香禱於家廟請以身代及明通臨絕時目爛爛不能言氏抱孤泣曰吾非斬一死有此一塊肉矢志撫之他日地下可相質也夫目乃瞑自是孀戶自守越六年而孤夭誓欲從夫姑力勸之立兩叔子爲之後乃止後因痛哭喪明自恨不能事姑姑年九十有一歲氏雖失明猶不失子婦晨昏定省之職乾隆十二年題准旌表建坊

楊氏把總宗霖女幼讀書識字久之文義淺者能以意解之年二十歸儒童李日升辟纊佐讀無虛晷七載日升卒觸棺以殉姑泣諭乃止肅居一室聲不出戶外事繼姑能先於其意而以意迎之後於其意而心與力趨之姑病侍湯藥唯謹每喪殮必泣薦夫靈而後啜茹之痛夫不祀撫從子爲夫後未幾嗣子天慟夫與子兩目喪明年四十二病篤語家老婦曰吾死後必以素服殮吾可以見亡人於地下矣年遂卒乾隆十二年

題准旌表建坊

曾氏儒童郭文昭妻年二十四夫卒氏冰雪滌心至老不易守節三十八年乾隆十三年題准旌表建坊

蕭氏儒童蔡天祐妻年二十四天祐亡遺一子一女俱在襁褓家徒四壁翁姑哀其年少恐難苦守氏誓死靡他紡績自活以完其節乾隆十三年題准旌表建坊

賴氏儒童吳良梅妻年二十六而夫亡撫孤維濱泣曰吾非不能死也我死而此子零落無成是再死其夫也自是勤十指以自給茹苦含辛艱難萬狀孤稍長教以讀書令就外傳入而嚴督之使懈維濱感厲奮學爲郡學生後維濱先二年而卒氏晚年慘傷不堪爲懷乾隆十三年題准旌表建坊

陳氏辛二圖一甲崇教鄉朱加貴妻年二十九貴卒遺孤甫一歲氏矢操孺節勤十指以奉姑甘旨撫孤至受室生孫不數年而孤朝繙又死籍之妻沈氏亦含辛茹苦與姑相依共哺七齡弱孫一門兩世孤苦零丁嗣續宗禰維婦是倚題准旌表建坊

李氏城東李仙邵女沙溪郡庠葉凌雲妻年三十夫遺疾氏籲天請代不獲遂誓以身殉絕食數日繼姑諭以諸孤曷特而決意撫孤性孝且仁繼姑垂老患痿痺盥櫛坐臥俱不能自力氏服侍無倦色繼姑久而安之亦不自知爲疾人也遇人困乏輒賑恤之有

族女適吳者婿亡無依氏招至家贍養長子監生葉翹多義行皆荻教使然也乾隆十

七年題准旌表

盧氏儒童何嘉仔妻年二十八夫亡氏堅志矢節閨範肅然勞苦星霜至老不輟乾隆十

七年題准旌表

李氏儒童朱錫璋妻璋卒家貧如洗氏年二十四翁姑虛其難守讜令改從氏安命適苦勤紡織奉翁姑月冷霜寒機聲軋軋一孤旋呱呱以泣聞者酸心愚准旌表

王氏儒童賴萬泳妻年二十五夫病焚香禱神求以身代夫歿一慟幾絕水漿不入口矢以身殉姑曉以扶孤之義數日乃食自是悉心撫孤鵝衣蔬食族戚慶弔皆不與焉守節三十七年乾隆十七年題准旌表

黎氏沙溪葉瑯生妻氏年二十八瑯生卒無一畝一椽可依氏織霜紡月雖荼苦甘之如飴也貌言莊肅夫亡益自勵族黨宴會羣女婦或歡樂笑語氏默默自如宛然一黃鶻獨悲時也遺孤一抱孫七乾隆十七年題准旌表

陽氏歲貢生奉新縣訓導學易女邑庠生謝元諱妻年二十九諱卒蹙踴涕泣勺水不入口者數日氏素嫻內則知大義翁姑老且病左右扶持十餘年不倦膝下藐孤防閑嚴密孤少弗謹泣而責之曰汝家歷世書香倘墜家聲未亡人罪也孤長督責倍加糞昔

守節二十六載族戚罕見其面乾隆十七年題准旌表

許氏儒童鄧貽曾妻年二十二夫亡遺一子僅數歲戚屬哀其年少諷之再醮氏忿然曰從一而終者義也奈何以此言污吾耳耶遂堅志苦守撫孤成立年五十餘題准旌表

劉氏儒童張貞錦妻氏二十四夫卒勞瘁宵旦勵志守節乾隆十七年題准旌表

鄧氏儒童張貞稷妻年二十五夫亡勵志守節朝夕紡績以供饋粥終身素服人敬其苦節乾隆十七年題准旌表

周氏儒童鄧孔霄妻年二十一夫亡守節三十七年有傳載入藝文乾隆十七年題准旌表建坊

朱氏儒童鄧擴武妻擴武卒氏年二十七止一子矢志撫孤事姑以孝聞食必親作衣必躬澣小心翼翼始終如一姑卒殯葬如禮夫故無伯叔兄弟姑死後獨力撐持與菽瓜

形影相弔朝夕紡績以供家計及孤長教之詩書有司嘉其苦節詳請旌表

藍氏儒童王宣偉妻年二十六偉死無期功伯叔兄弟止遺四齡孤兒婦泣曰夫死守節自古有之過於苦者莫如我不但饑寒交迫且無立錫之地甕甕子立倚倚父母之側人生一至此極豈非命乎及孤長受室不踰年而媳卒復受室孤力學嘔血而天生二子長四歲次襁褓氏猶望婆媳相依爲命無何媳之父見氏家貧逼其別適氏忍苦

吞聲抱兩孤孫苦守而已有司嘉其苦節詳請旌表建坊

王氏邑民李天璋妻康熙十九年天璋貿易廣東客死氏聞訃呼搶不欲生又計夫棺未歸孤兒羸弱因勉強拮据迎夫棺營葬教兒以耕種度活詳請旌表建坊

郭氏郡庠朱士枚妻年二十一枚卒遺一子甫三歲矢志撫之枚母羅氏亦寡氏竭力奉之枚死羅股憂成疾氏祈天愿以身代姑疾果愈壽登七十甫終氏因姑未獲請旌抑

子不許具報伊節後逢恩詔採錄邀旌

蔡氏賴萬楨妻年十七適萬楨甫二載萬楨死遺孤開通僅八月矢志撫之迄於成人題准旌表建坊

郭氏郡庠賴思聖妻夫亡時年二十誓以身殉姑勸慰曰汝從夫亡不如撫孤以延夫嗣勉從姑命事姑以孝聞偶買一婢詢之知爲有夫之氏焚卷還之可謂仁義兼具者矣

詳請旌表

鍾氏崇庠廩生賴士煥妻生子一年二十五而夫故事舅姑以孝聞題准旌表

劉氏適儒童葉成璋嫁逾年舉一子又逾年而寡時年十九立志撫孤孤善病繼姑垂老又患痿痺氏卒保全之年至五十餘詳請旌表建坊

周氏郡庠生許南皋妻皋卒時氏年二十一善事翁姑十餘年無倦色更以義方訓其孤



後氏病篤囑其子曰汝身羸弱勿以我故傷生孤勉承母命喪畢生一子孤又繼卒迄今許氏得以似續者皆節婦所留遺也詳請旌表

鄧氏儒童許秉衡妻秉衡以血症亡遺孤一氏年二十九不以貧故改操撫孤有成詳請旌表

劉氏呈三圖一甲儒童歐陽帝選妻氏年二十四夫卒遺孤幼貧其親族勸更適氏泣曰我若改節是棄死者於生前何以對死者於身後乎人感焉而不更強乾隆十八年詳請旌表

郭氏呈三圖一甲歐陽依皇妻依皇故氏年二十七遺子一立志撫之除十八年詳請旌表

賴氏儒士王錫瓚妻年二十七夫故無子誓欲從夫以姑年老賴其扶持遂請以夫兄之子爲夫後不數月而殤氏竭力事姑以終夙志苦節二十八年詳請旌表

鍾氏張國選妻年二十七國選亡家徒四壁矢志不二鄰婦見其貧誘之別適鍾號哭幾於嘔血而斃善事舅姑家始豐而終約氏黽勉有無堂上不聞咨嗟輿論贊之詳請旌表  
嚴氏吳肇基妻肇基死氏年二十七矢死靡他撫育遺孤敬事舅姑守節二十五年詳請旌表建坊

朱氏郭建鐸妻年二十二建鐸亡誓不再適守節五十年而終詳請旌表

陳氏盧嶺廷妻氏年二十八夫亡矢志不二孝事翁姑生事死葬各盡其禮守節二十九  
年詳請旌表建坊

蕭氏朱玉榜妻鄉飲正賓時維之母歲貢文淵祖母也玉榜卒氏年二十四遺孤甫數月教之成立家甚貧事姑惟紡績以給朝夕享年八十有一而卒題准旌表建坊

朱氏郡增生黃詩軾妻詩軾卒氏年二十八矢志撫孤以長以教事姑色養備至姑賴之以安守節二十五年題准旌表建坊

洪氏黃冕繼室冕卒洪年二十七矢志撫前室之子鍾視之如己出躬親教育弱冠遊郡庠亦卒洪擇夫五弟之子名顯鑑以繼夫嗣詳請旌表建坊

蕭氏監生王宣恭妻年二十八宣恭歿氏泣曰出嫁從夫夫死守節婦人道也未亡人雖未讀詩書安能如卓文君平陽公主夫死而改面事人乎守節數十年詳請旌表

胡氏儒童明煒妻年十八煒卒氏斷髮毀容矢志冰操譚氏儒童明煒妻年二十五煒卒氏霜居貞潔心同皓月一門雙節里黨無間言詳請旌表建坊

張氏曾士宮妻年二十七宮卒氏家貧紡績奉姑育子鄉族具報詳請旌表建坊  
梁氏增生蒙景洪妻年二十九洪歿氏金石一心誓不再適守節二十七載而終詳請旌表

表建坊

蔡氏儒童蕭大妻年二十八夫死氏以節自勵心如冰潔鄉族具報詳請旌表

袁氏儒童明世球妻年二十九夫亡氏甘苦守貧誓節終身詳請旌表

李氏儒童古名達妻年十六歸達卒氏年二十三孤子世倫甫四歲李因古氏宗祧特

此一綫甘貧茹苦撫孤成立以延夫嗣事翁姑以孝聞生養死葬貧無所資常以紡織  
佐之始終以禮未嘗少缺年臻六十五歲守節四十三年題准旌表建坊

張氏廖騰漢妻漢卒氏年二十六一子掄英甫二歲氏矢志撫之事老姑得其歡心姑嘗

道魚膾美張鬻釵治膾以進一日女工畢時夜將半忽心悸持燈省姑姑痰喘不能言  
急治湯藥姑賴以安時張年五十有六守節三十一載節孝兼著人無間言題准旌表  
建坊

黃氏儒童邱亨文妻文卒黃年十八遺腹生一子利魁黃撫育教訓孤賴以成翁姑年老

黃養生送死以禮守節三十八載詳請旌表

王氏蕭九昭妻昭以羸疾不起時氏年二十六病革顧氏曰汝年少無自苦他日可再適

氏泣曰恨不得相從地下者徒以舅姑在堂後嗣未立敢有他志乎遂剪髮截指孝養  
撫孤守節二十八年卒年七十有四詳請旌表建坊

郭氏儒童鍾英泮妻夫亡氏年二十七事翁姑而盡孝撫繼子以承祧守節五十四年卒  
年八十一乾隆二十七年題准旌表建坊

朱氏儒童鍾家樓妻年二十八夫亡勤紡績以事舅姑撫孤延祀一子揚名譽序諸孫克

繼書香守節五十一年卒年七十九乾隆二十七年題准旌表建坊

劉氏梁大鳴妻及笄歸大鳴後生一男甫三日而夫故時氏年一十九矢志守節上事繼

姑下撫孤兒光祖入國學乾隆三十年題准旌表建坊

蕭氏賴恆深妻二十五歲夫歿誓志靡他家無隔粟勤十指度日苦節二十五年奉部給

清標彤管匾額

蕭氏朱文清妻劉氏陽紹連妻俱以年二十一時喪夫矢志守節文清遺孤二蕭氏撫之

紹連遺孤數月劉氏撫之皆能冰霜自勵者乾隆三十二年題准旌表

王氏儒童賴恆仁妻二十歲夫亡哀慟欲絕念遺孤無依乃矢志孀守撫二子成立貞操

四十餘年詳請旌表

王氏虛來儀妻年三十而儀亡誓志柏舟自夫故後足不踰臺外鄉黨宗族無間言守節

五十六年壽八十六而終乾隆三十八年題准旌表建坊  
蔡氏生員林郁文妻文卒氏年二十二哭泣幾絕水漿不入於口姑勸撫孤以承夫祧乃

勉從命矢志守節堅操三十年乾隆三十九年題准旌表建坊  
何氏歐陽今濟妻二十六歲夫亡氏誓死不二孝事翁姑慈撫孤兒守節三十餘年乾隆四十五年題准旌表建坊

黃氏儒童盧鎮溶妻八歲童養夫家十四歲未婚夫亡矢志守節六十九年卒年八十三乾隆四十三年題准旌表建坊

盧氏幸淑勸妻年二十一夫亡冰霜自矢撫孤成立乾隆四十七年題准旌表給清標形管匾額

范氏陳翰序妻年二十孀居並未生育父母憐其年幼欲令改醮氏輒自矢叔甫舉子即撫爲繼厥後叔亡家無強近惟與妯娌氏仰事俯育曲盡辛勤課子成學得明經皆氏力也乾隆六十年題准旌表

馮氏鄧芳輝繼妻守節三十八年嘉慶十一年詳請旌表

詳表文

蔡氏儒童李同林妻進士蔡韶清任女子歸四年生一子甫三月忽驚破鏡時氏年方二十慟欲身殉翁姑諭之曰汝不欲爲夫延祀乎懷中此呱呱者將何恃氏乃強起節哀撫育遺孤奉養翁姑目未嘗窺戶外一生勤儉操作守節四十餘年嘉慶十四年題准旌表建坊

彭氏周便挺妻二十二歲夫亡氏矢志守節撫孤姑老雙目失明孝養無懈延師課子名列成均諸孫奮志詩書皆氏畫荻之功焉嘉慶十五年題准旌表建坊

朱氏捐職職問黎其琮妻年二十四夫故遺孤僅八月氏矢志貞守孝事翁姑奉養匪懈撫幼孤以養以教克列成均嘉慶十六年題准旌表建坊

朱氏儒童董學模妻年二十夫亡氏紡績度日撫孤成立事姑備極孝敬嘉慶十七年題准旌表建坊

朱氏郡庠生鍾傳敬妻年二十九夫亡氏柏舟誓志事翁姑養生送死以禮幼子遊泮悉本義方守節四十年嘉慶二十五年題准旌表建坊

余氏儒童鍾傳攻妻年十七于歸念九守節事翁姑存歿無憾撫孤子教養成名守節三十六年嘉慶二十五年題准旌表建坊

陳氏儒童盧大疇妻年十七歸招僅生一子而夫歿氏上事孀姑下撫幼兒爲姑請旌節孝嗣是家計日替氏辛勤操作爲子娶婦連生三孫未幾子夫婦繼卒痛孫幼失怙恃

鞠育備至苦節四十九年壽至六十八歲而歿題准旌表建坊

劉氏儒童盧大疇妻年十六于歸閱二年夫暴病卒氏孝事孀姑紡績度日撫孤以養以教嘗語孤曰祖父兩世惟汝一身幸生二孫而孤又卒媳亦繼亡二孫俱幼氏以撫孤

者撫之養教婚娶皆氏之力苦節五十二年題准旌表建坊

郭氏儒童盧士珣妻年二十八夫歿氏慟哭瀆死者數次家人勸止之食貧茹苦奉尊孀生養死葬咸盡禮撫孤鞠子教養悉憑十指守節三十一年而歿題准旌表建坊

鄧氏盧士伯妻士伯歿氏年二十八一慟幾死姑慰諭之曰上有老親下有幼子豈不爲夫後計乎氏矢志艱苦奉侍翁姑教養二子守節四十六年道光元年題准旌表建坊  
尹氏儒童盧士僊妻贛州零都縣人年二十八夫故氏矢志守節事翁姑愛敬備至訓嗣子教養有恩管脫簪珥以資膏火厥後子食廩係孫紹書香人以爲苦節之報道光元年題准旌表建坊

康氏增生盧士愷妻上猶縣人十七歲歸愷逾二年而愷得血症歿無嗣氏慟欲身殉賴家人救之姑勸之撫夫兄次子爲嗣氏意稍解備極艱辛奉姑盡孝訓兒以禮克自成  
立守節四十四年題准旌表建坊

辛氏儒童盧士煌妻夫歿氏年二十三長子僅三齡次子纔九月舅姑年又老氏以婦道代子職撫二孤教養兼盡足迹不履戶外者三十九年歿年六十有二題准旌表建坊  
邱氏儒童盧鎮夔妻贛縣人年十九歸夔閱五年夫故氏事姑以孝聞撫三歲孤方長爲婚娶而孤又殞因撫侄爲嗣完娶無出亦先氏歿又再撫侄以延夫祀苦節貞操歿年

八十四守節六十二年題准旌表建坊

劉氏儒童盧鎮蘭繼妻贛州府人年二十八夫亡慟不欲生顧姑已老三孤並幼乃居貧茹苦以奉甘旨及三孤方長又相繼卒長孫亦亡孫曾俱幼無依氏以一身撫三世遺孤苦節四十七年題准旌表建坊

嚴氏儒童盧鎮稽妻年二十三夫亡氏事翁姑盡孝撫孤教養兼至急女紅以供膏火使子成名食餼淒風苦雨者五十七年歿年八十道光元年題准旌表建坊

陳氏儒童盧鎮裸妻年十八歸盧二十生一子甫五齡而夫病劇氏籲天求代不獲號擗欲殉翁姑泣諭之曰若死誠烈矣奈此呱呱者何氏節哀勉留上事二老皆得年踰上壽下以課子亦克樹立清操四十一年道光元年題准旌表建坊

賴氏儒童盧鎮濟妻歲貢夢覺女年十九歸鎮濟家故貧氏勤十指以佐朝夕奉甘旨夫遺疾不愈又無子氏撫侄爲嗣以養以教迄於成立爲婚娶甫生孫而媳又亡子以家貧謀食衣於四方氏撫孫形影相弔悲風苦雨鄉鄰哀之道光元年題准旌表建坊

朱氏儒童盧鎮緯妻年二十七夫故家故貧氏勤十指謀肉食以養親嚴義方以教子荆釵裙布者五十年壽至七十六而歿題准旌表建坊

曾氏儒童盧鎮陪妻年十七于歸閱八年夫亡氏慟不欲生翁姑勉以撫孤爲重因毀容



飲泣事二親以孝教孤子以慈茹藥嘗冰鄉里咸欽之守節三十九年題准旌表建坊  
郭氏儒童盧鎮誘妻年三十喪夫欲以死殉舅姑泣止之乃節哀順變上事舅姑孝敬盡  
禮撫侄以承夫祀守節三十六年題准旌表建坊

羅氏儒童盧鎮模妻年二十六夫故遺腹生一子氏撫摩鞠育備嘗艱苦夫無兄弟舅姑  
養葬悉氏一人經理無何子又夭亡復撫夫從堂侄之子爲兒後以延夫緒守節六十  
年壽至八十五而終道光元年題准旌表建坊

胡氏儒童盧鎮巖妻贛縣人乾隆六年夫故氏年二十八撫二孤艱苦備嘗守節四十二  
年壽六十九而歿題准旌表建坊

謝氏生員盧盤珠妻贛縣人年十九歸盧閱九年舉一子而夫故氏悲不欲生翁姑泣止  
之氏忍痛爲夫奉親撫孤隆師課讀其子早年遊泮守節四十九年歿年七十五道光  
元年題准旌表建坊

順氏郡庠生盧洪奎繼室也浙江石門縣人及笄歸盧甫四載奎以勤讀得咯血疾卒氏  
一痛幾絕矢以身殉翁姑婉諭之擇叔子爲立後氏上奉二親以婦職代子職下撫藐  
孤以母道兼父道清操茹苦守節四十五年題准旌表建坊

鍾氏儒童盧洪鯨妻夫歿氏年二十四一劬幾絕念夫無嗣乃擇侄承祧慈愛撫養以上

慰舅姑歎守節三十三年題准旌表建坊

王氏儒童盧洪薦妻年二十歸薦家貧不能卒讀氏紡績以助膏火夫得咯血疾年餘氏  
奉湯藥雜譯卒不能起遺孤三歲氏茹藥嘗荼丁零勞苦每以不逮事翁姑爲憾凡春  
秋必親詣掃祭守節三十四年題准旌表建坊

朱氏儒童盧洪稽妻上猶縣拔貢朱誥女年十八于歸乾隆乙丑稽故家素貧氏茹茶飲  
藥泣曰吾非不欲從夫於地下奈翁姑老矣衣食誰恃幼子呱呱養育誰依未亡人不  
得不稍延殘喘以彌其闕鄉里羣嘉嘆之道光元年題准旌表建坊

林氏儒童盧洪安妻贛邑林氏邦女年二十八夫歿一子僅數歲立志撫孤教養成入爲  
婚娶婚未幾子夭媳亡痛哭欲絕乃請於伯叔撫夫從弟子元進以承夫祀翁年邁病  
足氏躬親湯藥扶持及卒子幼侄小喪葬皆氏一人經理守節五十一年年至七十八  
而終道光元年題准旌表建坊

郭氏增生盧洪程妻舉人廷柱女年十九歸洪程越十年而夫故遺二孤方數齡逾年二  
孤相繼歿氏事舅姑晨昏溫清喪葬盡禮迨胞侄長成生子乃撫之爲長子後以延夫  
祀貞操三十一年題准旌表建坊

郭氏儒童盧洪震妻年二十六夫故遺二子僅數齡氏哀慟迫切上念奉養無人下顧六

尺何依乃躬操作嚴課讀次子早成名氏義方之訓也守節四十一年題准旌表建坊  
蕭氏儒童盧洪審妻崇義縣隆平里人夫亡氏年二十矢志自守撫夫二兒子爲嗣數歲  
又殤再撫夫三兒子爲後教養婚配奉翁姑以供甘旨婦道克敦守節三十八年題准  
旌表建坊

陳氏生員盧洪璉妻年二十九夫歿氏上奉孀姑喪葬以禮兩撫夫兒子爲嗣教養婚配  
守節三十八年道光元年題准旌表建坊

王氏儒童盧洪曾妻年十八適曾甫二載未及生育而夫亡氏號痛幾不欲生念翁姑垂  
老無依夫又終鮮兄弟乃泣向堂上請命撫夫從侄爲兒以延宗緒清操三十二年歿  
時五十一歲詳請旌表建坊

朱氏生員盧雲妻年二十九夫卒氏矢志守貞養姑撫兒幸得成立無何孤又夭亡乃更  
撫孫守節三十年道光元年題准旌表

黎氏儒童盧元廉妻夫亡氏年十九尙未生育矢志守節撫夫弟次子爲嗣食貧茹苦勤  
紡績以奉養孀姑與八十祖姑鄉里共賢之貞操三十一年題准旌表建坊

劉氏例增儒林郎邑庠鄧書貽妻從九職劉甫焯女年二十五夫亡遺孤一甫七齡欲相  
從於地下念翁姑與椰子無依勉強偷活上奉垂白雙親極力孝敬下撫齠齡一息悉

由義方其子家沿例授職州同爲母請封安人道光三年題准旌表建坊

蔡氏何崇彬妻舉人蔡峻孫女也夫亡氏年二十二慟欲身殉以遺孤僅一齡呱呱在抱

強留以撫孤孤體弱善病數溺於危氏禱於先靈請身代以延夫祀竟得成立婚配生  
孫苦節四十四年壽六十六詳請題旌

劉氏鄧學深妻年二十學深歿氏矢志靡他撫侄承嗣無何男又殤復立侄孫爲子後以  
續夫祀守節三十九年詳請題旌

盧氏何順愉妻年二十二夫亡家無担石上有老姑孀孤髮營十指以度活茹藥甘茶  
苦節三十三年詳請題旌

張氏儒童劉朝連妻連卒氏年二十二誓不再適撫侄爲嗣紡績度活守節五十九年八  
十一歲而終道光六年題准旌表

劉氏國學生譚秀馨妻年十七歸譚二十七歲夫故遺孤二矢志孀守教養二孤俱列成  
均道光庚寅年詳請旌表壬辰年建坊苦節五十七年於同治元年八十四歲壽終

朱氏譚明鴻妻未笄適鴻伉儷十五年夫故矢志靡他遺孤甫冠復逝寡而且獨焚營自  
守道光十五年題准旌表咸豐丙辰十月逆匪窺境被虜身死邑令周詳請旌卹

劉氏邑增生賴相樑繼室年二十四于歸甫二載夫逝矢志守節家以詩書爲世業並無

遺產茹柏飲冰奉慈韓如親母撫遺孤如己出訓子煦遊泮孫四人均有聲譽序曾孫  
繞膝克紹書香貞操數十年是節而兼孝慈者道光十七年正月題准旌表建坊

朱氏儒童蕭長旺妻年二十二夫亡守貞事姑克孝撫幼以慈道光二十八年題准旌表  
盧氏何順承妻年二十五喪夫止一女撫任繼嗣姑多病侍湯藥晝夜不倦家貧無措資

十指營生養生送死克終大事訓子詩書不以窘乏失業守節二十六年道光二十九  
年題准旌表

嚴氏國學生李登侃妻年二十一侃故痛欲身殉念姑無依勉延殘喘曲成孝養撫夫弟  
仲子承祧督課成名道光三十年題准旌表

郭氏庠生朱英啟妻夫故氏年二十一苦節自矢上事八十餘歲重姑及翁姑備盡孝數  
撫二孤慈嚴並用先後入巵序皆母教也咸豐十一年題准旌表

蕭氏儒童李高駱妻夫歿氏年二十二痛不欲生姑諭之曰菰蔬未撫夫祀誰承乃節哀  
自存撫猶子襁褓數月又殤由是鬱結成癆而卒同治二年題准旌表

蔡氏儒童李高駱妻年二十八孀居姑多病侍湯藥不倦撫夫兄子延祀躬紡績嚴課讀  
備歷艱辛同治四年題准旌表

張氏河南道謝學炯側室道光辛卯學炯歿於任氏年二十六痛不欲生轉念上有嫡妯

下無弱嗣柏舟矢志言不出閭非至戚無從覲面事嫡妯如翁姑守節四十年內外毫

無遺議同治五年題准旌表

葉氏儒童李高胖妻瑞金把總秀芹女十五于歸十九孀處奉翁姑十餘年生養殯葬各

盡其禮族鄰有貧者周濟無吝色撫孤成立同治五年題准旌表

梁氏儒童陽良仕妻夫故氏年二十三勵志守節勤習女工母家無大故不輕往戚族罕

見其面同治五年題准旌表

張氏儒童吳世芹妻年二十五世芹故氏矢志養姑撫孀給以延夫櫛同治五年題准旌

表

張氏盧洪鉞妻年二十八夫卒矢志撫三歲孤兒孝奉舅姑紡績以供甘旨苦節二十八

年同治五年題准旌表

林氏賴垂嘉妻十一歲于歸逾年夫故痛不欲生誓以身殉家人勸再三乃吞聲飲泣自

是形單影隻不窺外戶宗族戚黨咸敬重之同治五年題准旌表

鍾氏儒童何崇渤妻年二十七夫亡孝事舅姑飲食衣服務得二老歡心撫孤延嗣守節

數十年同治五年題准旌表

劉氏職員何均元妻夫故氏年二十七誓以身殉家人勸慰再三遂毀容守志事翁姑曲

盡孝養足不踰閭人無間言同治五年題准旌表

羅氏大學生何順愷妻年二十八夫故事舅姑極孝閨門整肅外人不得入中庭母家有婚嫁事力辭不赴雖至戚罕見其面同治五年題准旌表

黃氏儒童何肇松妻二十二歲夫故守志奉姑家無擔石勤紡績營生族鄰稱其苦節同治五年題准旌表

盧氏儒童何肇紳妻上高縣教諭元序女年二十六夫故善事舅姑家貧百計籌養閨門諸事井井有條同治五年題准旌表

謝氏儒童何順恂妻年二十一夫故恪守閨訓言不出閨事翁姑孝養備至貞守四十餘年同治五年題准旌表

陳氏林興仲妻年三十夫故毀容守節事老姑克孝居常粗食荆布閨門內諸事具有條理同治五年題准旌表

曹氏儒童林福琪妻十八于歸十九夫故孝敬翁姑婦全子職族里稱之同治五年題准旌表

楊氏監生林興任妻年十九任故誓志自守敬事翁姑撫侄以繼宗祧數十年貞操如一  
同治五年題准旌表

許氏職員明登任妾年十八歸任事姑盡孝二十九歲夫故氏夫無兄弟以婦職代子職晨昏定省無間訓子基嚴每以嚙香爲戒子明經援例捐布政司經歷咸豐六年奏准選用同治五年題准旌表

邱氏監生盧元惠妻年十八而寡孝事翁姑侍膳問安無微不至翁姑歿朔望及忌日必對靈哭泣家貧蔬食布服勤十指營生足迹不踰閭外同治五年題准旌表

何氏儒童盧昌權妻二十二歲夫故事舅姑以孝聞閨門整肅親戚不得入中庭逢夫忌日率子跪拜行禮歲以爲常同治五年題准旌表

李氏儒童黃安社妻年二十一夫亡事翁姑恪盡婦道家貧無依勤紡績度活撫孤成立同治五年題准旌表

鍾氏附生盧昌業妻邑貢生傅材女年二十四夫故事舅姑盡孝撫孤成人荆絮布裙足不出戶庭同治五年題准旌表

蕭氏儒童盧承覺妻道光丙戌夫故氏二十四歲恪執婦道翁姑在堂視膳問安無倦撫侄爲嗣苦節數十年同治五年題准旌表

王氏儒童盧鼎蕃妻夫故氏年二十九家極貧不能度日紡績勤苦惟恐不得姑歡撫孤慈嚴相濟子能成立同治五年題准旌表

慈嚴相濟子能成立同治五年題准旌表

宋氏庠生盧昌隆妻夫故氏年二十五侍奉翁姑恭敬慎姑病湯藥親調不假手婢媼病劇焚香祝天願以身代姑尋愈居家無疾言怒色茹荼飲苦歷久如常同治五年題准旌表

徐氏廬鼎彤妻夫故氏年二十二孝順翁姑十指度日每親自調羹以索甘旨女誠內則讀書亦能通曉大義苦節數十年同治五年題准旌表

謝氏儒童朱建序妻二十四歲夫故家貧百計籌備甘旨以奉翁姑自甘淡泊閨門諸事井井有條八十五歲終同治五年題准旌表

何氏儒童辛程敘妻夫故氏年二十事翁姑以孝撫幼孤以慈紡績自食其力族鄰稱之同治五年題准旌表

蔡氏生員何肇繼妻年二十九夫故事翁姑無違禮撫任爲嗣數月天復撫任孫承祀足迹不踰閭閻同治五年題准旌表

江氏儒童何肇綱妻夫故氏年二十二事舅姑飲食寢與侍奉周至撫任爲嗣茹苦甘貧數十年如一日同治五年題准旌表

許氏儒童鍾象芹妻夫故時年二十四遺孤甫六月誓以身殉翁姑泣止曰汝死吾二老與孤何依乃勉從命以代子職家貧持紡績度活上奉老姑下育孤兒族鄰憐之同治

### 五年題准旌表

李氏監生周徹妻夫故氏年二十九抱任爲嗣甫冠遽天再撫任孫承祀教以義方常示曰吾所以不死者祇圖爲汝祖父延一線耳果立志吾他日瞑目可對泉下人矣事姑惟謹姑去世氏哭泣不絕聲同治五年題准旌表

朱氏儒童張煒妻年二十九夫故事七旬翁姑色養備至訓子義方得以成立同治五年題准旌表

明氏儒童鍾新鶴妻年二十七寡居夫弟俱幼翁姑年邁家政皆氏主理得二老歡義方訓子成立同治五年題准旌表

黃氏張昌信妻歸夫家事祖姑黃自入及翁姑孝養備至以翁姑相繼即世昌信痛親得咯血病氏剪髮和藥咬齒禱天數月昌信卒氏年十九痛翁姑喪養夫復見背慟哭三晝夜粥漿不入口及夫柩發引親視棺殮舉歸臥房跪縊而終同治五年題准旌表

黃氏儒童廖開昌妻年二十七夫亡孝事舅姑雖貧必百計籌備甘旨舅姑每朔望輒對靈涕泣事如生時待下慈祥從無疾言違色六十歲終同治五年題准旌表

劉氏儒童歐陽光明妻年二十二夫故矢志守節事舅姑以孝撫孤成疾復抱孫以延夫祀守節三十九年見年六十一同治八年詳請旌表

錢氏候補主事謝學增妻浙江錢塘原任直隸大城知縣名桂公女年二十學增歿於石

樓氏貞操自持四十餘年如一日奉邑侯王申詳撫憲吳題准旌表

蔣氏池源儒童熊撥模妻年十八夫亡氏一痛幾絕勺飲不入數日抽刀引決欲相從地

下翁姑慰諭乃銜恤矢志孝奉高堂義訓孤子著節六十五壽八十三歲崇正壬午巡

按李宗著題謂旌表建坊龍泉知縣劉汝鐔傳其節孝梓譜孫緇康熙己巳科試南安

府學廩生

烈女黃氏觀秀節婦盧元敬妻劉氏均已題准旌表節婦附生郭韜妻王氏鄧尙用妻張

氏以上四名請志補錄  
節孝兩水主記補入

蔡氏儒童陽璧妻王氏生員郭銓妻姚氏太學生賴占魁妻吳氏生員蔣廷璉妻 以

上節婦四名舊志藝文有傳而列女志未載今補錄姓氏於此

鍾氏儒士嚴希隆妻年二十夫死守節七十二年壽登九十三而終青年守志白首全操

有司以節教垂芳額褒之

曾氏儒士李之傑妻年十九夫死守節四十二年始終如一合邑申詳學憲沈以節勸冰

霜額褒之

烈婦嚴氏年十五歸儒童王琦三載生子一踰年琦卒痛不欲生念夫祀恃兒兒責在婦

未可以身殉也舅姑年老喪子又恐以號哭傷其心私自飲泣孤病危禱於天地祖宗

願以身代兒以存夫祀病果瘳七歲出就外傅甫授書即成誦師驚異之對曰此吾母

夙教也蓋所望於子之繼夫志者切矣丙寅五月五日孤年十二因事渡江遇暴風溺

死烈婦往哭江干求屍不得躍身投江江石橫掛衣袖家人急救得不死泣曰若輩不

知大義吾所以苟延視息至今者爲夫祀也子死夫絕祀而忍偷生乎歸絕粒姑勸之

勉進糜粥至六月十六日姑防稍疏閉戶投繯而死郡伯游以存亡一節褒之

王氏一坊六甲王崇銓女年十六歸郡庠賴建亨二十一歲夫亡遺孤二長三歲次呱呱

懷抱倚姑氏蔡相依爲命後姑年老更遭兵燹流離播徙曲意承歡拮据供甘旨姑卒

瘞葬如禮遺孤稍長以教以養俱幸成立氏之兄只遺一脈氏代撫養成立完娶節堅

而義重世所罕有

蕭氏儒士林春蘭妻蘭卒氏年二十矢以身殉翁姑泣而慰之曰若志則遂矣其如子幼

何撫孤兒承夫志不亦亡者猶存生者有依乎遂強起治喪事舅姑奉養無缺時值鼎

革田土荒蕪饑饉薦臻邑當四衝之地差繁賦重氏曰勤紡織操作仰事俯育無虧自

幼識禮教知大義訓孤嚴督擇師課業孤作楫作柱俱明經授司訓於新淦與安孫曾

十餘輩或歲薦或歲領鄉里咸稱義方之訓守節之報云奉學憲冀嘉其節以褒之

溫氏王孚允妻年二十六而寡夫死時剪髮納棺中以殉夫墓矢志撫孤守節艱苦寂寞以終

蕭氏民人王聖兩妻年三十夫死矢志撫孤艱苦備嘗適有富室欲強逼婚蕭居近大河即投江得老嫗救之遂引刀剖面血流仆地人服其節

蓋氏儒士王事彥妻卒彥氏年二十三遺孤方四齡勵志撫之父母憐其少年且家貧勸無苦氏泣曰命也生爲結髮妻死爲結髮婦吾豈能背吾夫哉後父母強至再氏盡斷其髮從此閉門立誓不與眷屬相見唯教養孤兒復慮其孤單弱立一從侄爲子輔之後孤以嗣任貴州赤水浙江溫州經歷氏得享高年鄉里呼爲老節母

扶氏儒士王秉珩妻年二十七夫死矢志育孤惡衣粗食姑氏蔡雙盲極力孝敬服勞浣滌後子早喪又撫孫艱苦備極守節以終

陳氏年十七適庠生王應輝生子六月而寡氏年二十三守節養孤遇貧婦不足於衣者解衣衣之不足於食者分食食之人稱爲孝慈節義之婦焉

羅氏王世良妻年二十夫亡遺孤又中傷父母見其孤苦接於家就食或勸之改適氏曰妾不幸無夫夫不幸遺子又獨妾苟去翁姑墳墓棄祭祀無王未亡人罪也遂毀容剪髮寡守五十餘年

郭氏儒士賴萬華妻幼嫻內則長守箴規歸賴僅四載年甫二十而寡氏勵志冰操厥後子孫繁盛皆節婦之苦報云

朱氏林必康妻年二十三夫亡僅遺半歲孤兒貧無立錫饑寒交逼從無怨聲教兒成立年登古稀而死

譚氏李承烈妻年十六歸李二十四歲夫亡氏矢志苦守以終

劉氏儒童賴國箴妻事蹟詳見藝文

李氏民人林述尹妻年二十六夫死撫孤成立守節三十一年始終不渝

朱氏儒士郭敷文妻年二十四夫亡坐臥一室不出戶窺者數十年卒年五十有一

譚氏監生明健妻年二十三健歿生一子歲餘氏矢志撫之

余氏明世杰妻年十九夫亡無子守志以終

朱氏儒士林春芬妻年二十一夫死守節六十七年當道喪之

鍾氏民人黎世芬妻芬亡氏年二十五遺孤二家徒四壁母黨見氏家貧屢強別適氏不從剪髮斷指姑老病勤女工爲甘旨之奉氏鮮兄弟父故母無所依迎養於家里黨賢之

楊氏儒童歐陽振經妻早寡立節紡績度日年七十一而終

王氏國學生王永元妻蹟事詳見藝文

王永元姓周

劉氏儒士蔡萬桂妻萬桂死氏立節撫孤教以義方孤名標游邑庠氏言動不苟貞靜有古淑慎風當道旌其閭

商氏邑廩生黃光妻年二十六光亡遺二子長存試次律時婦矢志撫養以長以教二孤俱成立後官九江府德安縣學訓導即其次子也守節四十五年而終

鍾氏儒童黎世瓊妻氏年十八而瓊亡無子母命再適父且強之氏堅志守節凡幾十年壽登八一而終人稱曰首完貞

李氏國學生賴圃通妻年十七夫亡遺孤立節撫之孤方成立而氏殂鄉里重焉

藍氏儒童邱元享妻卒藍年二十八遺孤二長亨通次亨達藍撫督諄切不倦事老姑

委曲承順鬻釵以供甘旨姑病喘盪侍湯藥達旦無厭色姑頷之曰子孫必汝報也歲乙丑學憲金按試南郡拔亨達聞藍苦節以備節冰操額旌之

劉氏郡庠生明嘉詒妻事蹟詳載藝文

邱氏廖騰蛟妻年十七于歸甫一載夫亡或憐其少勸之改適氏剪髮自誓遺腹生子陽春後陽春卒又歎育四孫家法嚴整事翁姑孝敬備至卒年七十有九乾隆二十四年

郡守翟英給匾獎之

李氏辛瑞橋妻橋卒李年二十六柏舟自矢撫孤成立霜居三十四年貞操如一年五十

九歲而終

胡氏儒童嚴悠詳妻年二十三夫故壽翁姑惟謹撫稚子以承嗣守節三十七年年屆週

甲而終人無間言

劉氏辛學初妻年二十三夫故堅志孀守操孤心怡不幸中年復廢偕孀媳朱氏養孫成

人守節五十年終年七十有三歲

林氏王永源妻年二十二夫歿冰霜自矢家貧饑殍不繼紡績勤勞敬奉翁姑撫孤詔以

養以教諾食儉賁明經守節二十九年年五十歲而終鄉里欽之

謝氏儒童嚴久親妻夫故氏年二十二柏舟自矢家無担石勤女工撫孤二人以承先嗣

苦節四十五載年六十六而卒

朱氏李曰仇妻年二十六孀居上有慈姑家無儲粟長子年甫四齡次子產自遺腹氏撫

養成立年四十有六而終

王氏謝學芳妻事蹟詳藝文傳

張氏黃河祥妻年二十六喪夫止一子家窶乏氏矢志靡他備歷艱辛上奉翁姑下撫孤



兒幸子成立得數孫而子又逝復教養諸孫年九十而終

王氏儒童蔡大連妻年二十四夫亡孤纔三歲氏矢志靡他事翁姑撫幼兒不幸兒復故又育孫成人以繼先祀守節五十八載完貞八十二年

朱氏林大秀妻夫故氏年近三旬誓不再醮茹柏飲冰奉養翁姑撫育孤幼守貞三十七年登六十有七而逝

蕭氏朱廷瀚妻年二十四夫歿矢志茹荼孝事翁姑一子甫離襁褓旋復歿冰心不二孀居三十年年五十七而卒

梁氏朱家梓妻乾隆十三年梓遊寓西蜀即於是年身故氏年二十六聞音痛哭矢不欲生妯娌力爲勸諭成服孀守撫孤成立備嘗辛苦年七十五而卒守節四十餘年

周氏劉德瑚妻年二十二夫亡矢志孀守勤十指以奉舅姑繼一嗣以承宗祧貞操六十五載年八十有六其孫庠生啟魁呈請入志

黃氏何崇淪妻年二十八夫故矢志靡他時祖父及翁姑俱存家貧紡績養餽粥自甘教子以義方閨門謹肅聲不外聞守節數十年

劉氏葉大鍾妻夫故氏年二十二生一女無子撫侄爲嗣家貧守節足不出戶庭孀居四十九年年七十有一而卒

楊氏張道梯妻楊故氏年二十四悲哀不已欲相從於地下姑慰之曰遺孤二歲一線相

延汝死兒無特宗祧何望乃遵姑命撫姑成立由俊秀貢成均守志三十年年五十三而終以節孝釋於世

江氏董子璉妻璉故氏年十八冰霜自矢人或以年少微諷之正色拒絕守節五十餘年年終七十有三

李氏董子澐妻年二十五夫故矢志孀守撫孤以繼宗祧閨嚴肅貞操四十四年年六十八而卒

龔氏賴隆紳妻夫故氏年二十二矢志節操遺孩甫二歲撫養成立經理家政一如夫在時歷數十餘年如一日

鄧氏國學生張科妻年二十七科去世堅志守節誓無二心事姑嫜而救水承歡撫養子而熊丸課讀年臻七十八卒守節五十一年

劉氏庠生李曰鑑妻夫歿氏年十九誓從一而終形單影隻並無遺孤擇任承祧奉姑常侍左右鬻子備及艱辛族間呈請入志

黃氏梁宗泗妻夫故氏年二十八子甫六歸家業蕭條勤紡績以奉養重慈撫遺孤教育兼至苦節四十二年冰操可嘉

李氏徐盛連妻年十八夫故氏青年孀守維時無嗣可撫翁姑衰邁奉養弗怠嘉慶六年撫任爲嗣宗祧賴以不墜苦節數十年

伍氏董學元妻年二十五夫亡貞操自勵撫孤以成夫志孀守三十九年而卒享年六十四歲

鍾氏林志許妻許卒氏年二十六堅操自矢孝敬節姑奉養不懈撫遺孤以續宗祧守節數十年而終

袁氏贛邑獻瀆女職員朱世綏妻年十八于歸乾隆庚戌絃故苦節自矢上奉高堂下育幼子念夫家世衣冠恐後人不克繼緒以養以教長次嗣坤坦入成均三增入膠庠孫英改食節守節數十年學使顧以貞靜能壽額旌之

黎氏曾昌經妻魏故氏年二十五子方九齡苦節自矢奉翁姑撫孤兒井臼自操守禮不淪守節數十年

蕭氏辛西亭妻夫故氏年二十七相舟自矢孤來儀方數歲撫養婚配儀甫冠復卒又偕孀媳鞠育孫成人守節四十二年六十有八而終

劉氏朱錫瑤妻年二十一夫亡遺孤元苞甫三歲劉堅志苦節奉姑以孝撫孤有成孫魁先年十八亦遊泮孀守數十餘年教養兼備人稱賢母云

將氏儒童劉傅禪妻年二十四夫故遺子早亡癡癡無依冰心自矢守節數十年族里共稱其貞操

曾氏贛邑道學女國學朱世綏妻續故氏矢志守節奉翁姑以孝撫兒女以慈教養暨至長次封筮皆成名三坡食餼那孫孫俸侶俱齧齋入膠庠食餼貞操數十年

蔡氏選拔謝學仕妻猶邑蔡錫女乾隆庚戌成仕應朝考屐於京邸氏聞悲號欲絕貞操自矢孝敬舅姑撫伯仲二子爲嗣調劑成立守節數十年始卒

朱氏余政傑妻傑卒氏年二十九矢志守節事姑嫡菽水承歡撫子從禮調善入泮茹苦數十年

朱氏吳朝林妻年二十六夫亡時遺孤延福僅四齡氏誓志撫育孝奉翁姑未幾孤舉一子而又天氏偕孀媳再撫孫以承宗祧苦守數十餘載鄉人賢而哀之

胡氏黃壯傳妻年二十七夫亡生一子矢志孀守上潔洗腆下勤教育俱賴氏堅操艱辛支持妯娌無間言

許氏劉傳躬妻年二十夫亡青年守志白首不移翁姑垂瀉奉湯藥弗懈更四十寒暑年已邁甲一如伉儷訣別時

廖氏王縑山妻夫亡年二十三冰霜勵節上奉老姑下撫繼孩孀守四十餘年梓里嘉其

堅操

伍氏儒童家貽圭妻年十八夫故哀號欲絕時遺腹在脈翁姑慰以承宗祀爲重乃矢志  
婦守後數月幸生子苦茹含辛仰事俯育憑女紅以養生三十年如一日守節四十八  
歲而終

王氏幸鵬門妻二歲歸幸未合衾理病故氏年十六或諷以年少未婚禮許再醮氏堅拒  
不納誓志守節撫任爲嗣養育如己出貞節數十餘年

黃氏庠生董學柄妻年二十夫卒堅志婦守敬奉翁姑茹荼半生撫孤教養成名守節數  
十餘年人咸稱其貞孝

鄒氏庠生盧元廷妻適故氏年二十五矢志貞操孤僅週歲痛懷在抱大父母翁姑俱老  
年家素貧奉養無缺年五十有六而卒守節三十一年

朱氏宰楊雲妻年二十二夫故隨姑婦守如母子然撫遺孤以養以教至於成名節操數  
十餘年

鍾氏盧元燧妻上猶歲貢歸嘉琪女夫卒時氏年三十矢志節不二孝養婦姑朝夕弗懈撫  
侄昌承爲嗣勤苦教養入府庠貞操數十餘年始終不渝  
董氏古沛林妻年二十五夫歿遺孤甫四齡上有老姑氏矢志婦守奉養盡敬下撫穉幼

成人貞操五十餘年年踰八十五世同堂人以爲貞節之報云

賴氏林正銓妻國學生賴名揚女年二十一夫故生子一天亡守節矢志家貧依父家度  
活一日揭其翁姑及夫神主至父家父曰林氏之主胡爲祀於賴氏之家氏曰非敢然  
念家中無人奉祀願借一房居住供香燈盂飯耳自是勤十指以幫供給節而兼孝祭

癸四十七年年六十八而卒  
蕭氏蕭家漢妻渙歿氏年二十七矢志婦守上奉老父下撫幼孩鄰無半畝之田家有數  
口之給惟女紅是藉未幾遺孤復亡撫孫成立辛辛苦備嘗守節四十二年六十九而  
卒學憲顧給匾旌獎

賴氏賴傳樾妻年二十四樾卒堅志婦守上敬翁姑下訓孤子茹柏飲冰秉禮度義閭閻  
中視爲程式苦節四十二年六十六而終

嚴氏鍾傳榜妻年十九喪偶儲無擔石勤十指以事舅姑繼一子以承宗祧守節四十五  
載

盧氏鍾傳德妻年二十八夫亡矢志靡他事日髮高堂由至性撫黃口幼子本義方守節  
數十餘年

李氏仲華什妻華仕身故氏年二十二矢志貞節翁姑年邁竭力奉養撫孤兒並無資藉

惟憑紡績度活守節數十餘年鄉里共稱之

方氏萬安回學生貞彬女北鄉將日涓妻夫歿氏年三十從一而終事翁姑克竭敬養育  
穉幼得觀成人荼苦一生守節數十餘年歿

王氏賴恆鈞妻鈞卒氏年二十九矢志孀居念父族與夫族世循禮法長守閨闈人罕識  
其面奉高堂克盡敬養撫幼孤幼以儉勤家貧供膳無資藉紡績女紅度活苦節數十  
餘年堅無異志

何氏邑廩生葉連春妻詹千總何縉之女年二十六夫故並未生育撫二侄芥菊爲嗣一  
如已出敬事舅姑貞操以成夫志足述不出戶庭訓養秀芬列成均秀菊入泮

董氏武庠李永淮妻氏年二十八而夫故遺一子甫六歲教養成入上奉高堂內操家政  
堅節自矢歷數十年其子長春貢成均

郭氏廬洪恩妻夫歿氏年二十四矢志苦守撫螟蛉爲兒零丁孤苦備嘗艱辛年五十四  
而卒守節三十年

鄧氏儒童劉昌貴妻夫故氏年二十五癯獨無依矢志孀守紡績以奉翁姑耐貧守節數  
十年鄉里嘉之

陳氏儒童盧元紱妻夫卒氏年二十三痛夫早逝矢志貞守撫侄以續夫嗣家素貧承菽

水以奉翁姑勤紡績以課兒讀歷盡艱難守節數十年而終

劉氏儒童熊體中妻年二十八而夫故貞心不二惟以養親撫孤爲務勤女紅以佐讀言  
笑不苟守節數十年

許氏張崇諧妻諸卒氏年方十八尙未生育營笈子立矢志孀守撫侄步華爲嗣一如所  
生貞操數十年閨里咸稱之

蕭氏儒童董學相妻夫故氏年二十冰操自矢遺腹生一子撫育成人教養兼至守節三  
十一年年踈五十而卒

鄧氏明世源妻年十八而夫故青年嘗守上奉翁姑下鞠幼孤備盡勤劬內外均無間言  
孀居數十餘年冰操如一

盧氏邱禹涓妻夫故氏年二十慟不欲生並未生育誓不改醮翁姑已逝奉養祖父母孝  
順盡禮守節十八年三十八而卒

徐氏廬洪沂妻年二十九矢偶誓志靡他連事舅姑勤紡績而供菽水再撫繼嗣課龍丸  
而採芹香冰操數十載儀範堪式

王氏廬洪儀妻二十三結褵越兩春破鏡備甘旨以奉翁姑撫幼孤以承繼嗣守節二十  
三年年四十有六而卒

鄧氏一圖七甲生員羅雲妻年二十八雲歿氏孀居貞潔事姑極孝色養備至撫孤子有學名列國學年四十八而卒守節二十一載嘉慶十一年邑侯楊給以形管流徽匾額

宋氏劉永瑚妻夫故誓志靡他善事姑侍奉十餘年姑卒盡哀盡禮一子文炳甫七齡教養兼至後入泮持內政勤於女職閨門視爲儀範守節數十餘年

蒙氏辛來彬妻年十六歸幸彬病篤朝夕叩神願以身代丁已彬卒悲哀欲殉念孤幼不忍棄厥後子復多病氏鞠養備至誕育多孫亦貞節之報也孀居二十三年年四十七而終

李氏儒童謝振鸞妻夫歿氏年二十一止一子世亨纔數月矢志守節堅操不移未幾亨復夭再撫孫以承夫嗣貞操二十八載

林氏曹榮迪妻夫故氏年二十一遺孤方四歲翁姑年俱六旬有餘家復清貧氏苦節自貞生養履盡敬盡禮撫孤華英列膠庠嘉慶二十二年年屆週甲守節四十年學識彭詳請學憲願給以節孝延年匾額

李氏儒童鍾世深妻年二十六夫偶栢舟自矢寧祖姑克孝孤子又亡苦節一十六載年四十有一而卒見重於鄉里

劉氏儒童何順如妻年二十三夫亡遺孤一矢志孀守上癸翁姑下撫孤子純績織紉貞操二十九年至五十一歲而終

劉氏慶朝瑞妻年二十四爲未亡人夫終鮮兄弟遺孤二撫養成成人曾元蔚起五世一堂前廣西巡撫謝啟昆獎以額卒年九十一

康氏儒童藍大詮妻幼歸詮未幾翁姑繼歿氏隨夫依伯父母養育年二十一孀居事伯翁姑孝養備至撫六月遺孤爲邑增生孫曾相繼列舉序年六十三而終

陳氏曾亮績妻年二十七夫故矢志撫孤孤甫冠即歿氏奉養日老翁三十餘歲備極孝敬卒年六十六訓導劉載以德徵盡瑞旌之

范氏曾六經妻年二十六孀居夫無伯叔兄弟姑臥病數年飲食湯藥竭力以供撫孤成立壽至八十五歲卒親見五世同堂

劉氏熊文勝妻及笄歸熊勝苦讀病瘵焚香願以身代卒不起氏年方二十二遺孤子甫三歲次子甫六月茹荼飲藥下撫孤兒上奉二老備歷艱辛族鄰周卹之堅卻不受惟精紡績度日

羅氏熊持效妻年二十八夫亡遺孤甫五歲矢志孀守奉翁姑撫孤兒內外無間言督其子讀書補弟子員

三月鞠育婚配備歷艱辛無何到及錦甫志迎卒復惜二媳婦守苦節四十三年而終  
劉氏朱英峴妻二十四歲夫故孝養翁姑慈育幼子不幸孤二十歲遽逝僅貽一孫撫養  
成立

郭氏儲童劉漢龍妻及笄歸劉生一子二十一歲夫故子復天孝事翁姑族鄰罕見其面  
六十六歲而終

趙氏張壽粉妻年二十五夫歿勵志守節撫孤成立道光二十一年經教諭賀顏震訓導

黃鯉翔妻報立案時氏已守節四十二年

朱氏李永濤妻年二十九夫歿上奉翁姑孝養盡禮撫二子成立守節三十四年而終

鍾氏李永祥妻年二十四夫故撫二孤兒上事高堂孝養惟謹守節三十六年歿

張氏劉家盛妻年二十夫故遺二孤長僅四齡幼在襁褓貧無立錫冰菓自持撫孤成立

苦節五十餘年以壽終

彭氏熊家胡妻年二十六夫亡時三子俱幼撫育教誨備極劬勞三子先後即世撫孫成

立孀居四十五年而歿

鄧氏許祥洞妻二十歲夫亡撫孤守節矢志堅貞教子有方

舉氏許連煬妻年二十夫亡膝下無兒痛哭欲絕家極貧勤操作以度活奉翁姑得其歡

心抱侄承祧底於成立道光庚戌學憲張給匾獎以節固松筠壽終七十七歲

薛氏郭良芹妻二十二歲夫故苦節能貞壽終九十六歲

王氏胡翰彩妻年二十九貧苦守節撫養三子勤紡績績成世業壽終七十有三

譚氏周榮破妻年十九夫亡遺腹越數月生家貧止饒田五斗勵志守節紡績供饌粥事

姑以孝聞

蔡氏黎正福妻年二十三夫亡撫任承祧貞操不二守節四十年終

王氏儒童袁家祿妻年二十八而寡翁姑繼逝氏事繼姑極孝居室近市足不踰閭者五

十七年壽終八十五歲

李氏龐相邦妻年二十四夫亡遺孤二歲氏苦節以守卒年五十九

劉氏夏朝浪妻年十八而夫亡矢志撫孤守節六十二年以壽終

藍氏康世縉妻年二十六婦守苦節五十四年而終

陳氏黃大慶妻年二十八夫故守節五十五年而終

鍾氏黃文純妻年二十九喪夫無子氏矢志不他繼嗣承祧事翁姑得其歡心卒年七十  
有二

蕭氏黃文綸妻年二十夫歿立繼苦守紡績以事翁姑養盡禮貞操四十七年終六

十七歲

曾氏邱利佐妻年二十五而寡誓志不二養舅姑撫孤子飲沐茹藥貞守五十年壽七十五歲卒

林氏柴炳軒妻年二十七夫歿苦節五十年以壽終

宋氏儲童何順拭妻年二十二夫故矢志撫孤家貧紡績度日壽終七十有九

劉氏邑屏何錦元妻年二十八夫姑撫孤成立不以貧乏易操守節四十九年而終

曾氏儲童郭容秋妻年二十三夫故守節凡五十五年

張氏儲童謝傳洪妻年二十六夫故守節五十五年終

許氏監生彭鴻起妻年二十八夫故守節三十一年終

王氏儲童彭里仁妻年一十八夫故守節六十一年卒

林氏儲童黎正祿妻正祿歿氏年二十一備甘旨以奉翁姑撫幼侄以承夫祀守節三十四年

盧氏儲童張世績妻夫故氏年十九矢志撫孤勤紡績以度活守節六十一年以壽終

譚氏儲童張文積妻氏年廿四夫故事姑孝敬撫孤承祀守節六十四年以壽終

林氏朱輝揚妻年一十六夫故家貧孝事翁姑撫孤成人中年孤復逝氏苦節六十年壽

終七十六時當炎夏越五日殮體膚不變赤貞節之徵也其孫及曾孫均遊庠食餼

韓氏曹可觀妻年一十八可觀歿遺腹生一子家貧守節撫孤成立年六十而終

羅氏袁以善妻二十二夫歿遺孤生數月矢志靡他年五十六而終

譚氏林正選妻二十七歲夫歿家貧孀守壽終七十有七

曾氏黎世仁妻年一十六夫歿遺腹生子苦節日矢敬事舅姑內外無間言壽八十四歲終

蕭氏黃彪宇妻十八歲夫亡堅守不二抱養二子壽終八十七歲

林氏王承治妻廿六歲夫亡冰霜自守撫孤入成均終六十三歲

黃氏王昌祐妻二十八歲夫亡矢志守節撫養二子勤儉持家七十二歲而終

康氏曾世選妻年十六歲夫遠出不知所終撫養一子守節成家壽終八十有三

周氏黃詩禮妻年二十六夫亡堅守不二年六十七歲而終

劉氏明仕選妻廿四歲夫故勵志守節人無間言孀居四十五年終

陳氏曹宗德妻年十八夫歿家貧守節壽終七十六歲

賴氏王明道妻年二十四孀居勵志撫孤長新佐甫冠即天次竊佑生子三亦克成立守節六十七年人無間言壽九十一而終

賴氏太學生李高芸妻進士相棟孫女二十九歲夫故慟不欲生成族勸以視姑年過兼之獲孤未撫遵欲身殉更貽堂上憂乃強起毀容守節事老姑克孝迨祖姑去世氏慟哭過甚年四十七鬱結成疾終家人爲立堂兄子爲嗣同治二年經訓導丁符九呈報在案

劉氏洪家棟妻二十二歲夫故撫孤守節四十餘年人無間言族鄰呈請詳報在案

盧氏廩生吳克倫妻年二十五夫故矢志守節紡績營生撫一子示以儉勤事姑咸稱其孝歿年四十二歲

陽氏郡增生艱恆某妻年二十四夫故遺孤五撫育殷勤稍長教必以嚴子益規登拔萃科餘皆先後成名家貴不豐夙夜紡績備嘗辛苦竭誠事姑宗族以孝稱歿年四十八歲

王氏儒童盧昌瓚妻二十一歲夫故矢志守節遺一女僅數月翁孀繼姑欲氏改適憤不從依外家居十數年紡績度活隻影單形戚族憐之苦節二十四年而卒

羅氏王翰容妻二十一歲夫故時翁姑俱歿存存七旬太姑並無嫂叔遺孤三氏仰事俯育備極辛劬守節四十六年

郭氏謝世烈妻年廿六夫亡守節姑盡孝撫孤有成五十六歲卒

王氏謝振樞妻年十七夫故上奉翁姑下撫孤弱孤疾飲冰茹藥苦節不渝七十五歲卒

王氏謝振樞妻年二十五夫故茹冰飲藥撫夫兄次男爲嗣課讀勤劬子得成名卒年五十八

賴氏謝世忠妻年二十七夫故矢志堅貞家徒四壁紡績百孤數十年艱辛備嘗五十四歲而卒

王氏簡收諭妻年二十一夫亡守節撫孤事二老備盡婦道茹苦五十年以終

盧氏簡脂迪妻年二十九守節養姑撫孤居後孀居凡五十七年

朱氏林志銘妻年十八夫亡矢志堅貞撫孤成立苦節六十年而終

曾氏陳德珠妻年二十六故夫孀居家無擔石身自織維貞操不改教子及孫成立皆入太學八十有四壽終

吳氏儒童盧洪畏妻夫亡氏年二十九矢志孀守家貧奉翁姑必備甘旨義方教子肅若嚴師族鄰皆爲起敬歿年五十有二

陳氏儒童盧元珍妻年二十七珍歿矢志堅貞事翁姑不以貧窘廢甘旨撫育孤兒肅嚴相濟卒年七十有六

陳氏儒童盧元瑞妻年三十夫故守志一子幼冀之長成又及孀姑寡媳對影淒涼苦節



四五十年而終

王氏儒童盧元理妻年二十八孀居遺一孤辛勤教育藉以有成壽終七十八

賴氏盧鼎昇妻年廿二夫亡遺孤二未幾長復妖翁及繼姑家貧需養氏先嘗承志紡績

佐餐訓教男以成成立守節三十七年而終

張氏蕭上伍妻年二十三夫歿矢志撫孤教養婚娶卒年五十七

賴氏王沐興妻年二十夫故誓不改醮撫孤成立守節三十六年

林氏賴國伍妻三十歲守節息影閨門撫一子訓以義方七十二終

郭氏謝家源妻三十歲夫歿守節昌孫子受職孫入庠曾孫繞膝學憲張給匾獎以松貞

柏勃壽終八十七歲

郭氏廖生李祥謙妻年二十六夫故撫夫胞侄承桃矢志孀守四十有二年而終

黎氏庠生李祥謙妻年二十六夫亡撫夫胞侄承桃後撫子又亡復撫孫守節四十四年

而終

廖氏國學生李祥詒妻二十八歲夫故撫孤孀守四十二年而終

李氏曾文淵妻夫故時年二十六撫孤育子婚教諸孫備嘗辛苦七十二歲而終

劉氏蕭希連妻二十八歲夫故奉姑撫子食貧守貞壽終七十有三

蕭氏邱明熬妻年二十四孀居備極貧窘白首完貞七十二歲終

溫氏盧家棟妻夫故氏年二十七堂上翁姑膝下幼穉仰事俯育備極辛敬守節四十餘

年以壽終

盧氏生員鍾梧妻二十四歲夫故上奉翁姑下撫幼子均取給於女紅盡節四十八年

伍氏生員鍾傳蕙妻二十八歲夫故夫奉姑撫孤貧守節五十五年

曾氏儒童蕭茂爵妻十九歲夫亡者事姑孀家貧紡績以佐甘旨勤課孤子茹苦百廿年

九十而歿

張氏謝振楹繼妻浙省雲泮女年二十六夫歿繼子延宗毀容守節歷四十九年壽終

張氏謝宏量妻年二十六夫卒孀居守節五十五年壽八十一歲

曾氏郭英蓉妻年二十二夫亡苦節五十三年壽至七十五歲

王氏儒童劉順遠妻年十九夫歿遺孤甫週歲氏慟不欲生翁姑勸諭乃撫孤成立以婦

道兼子道苦守十五年三十四歲歿

袁氏儒童廖際高妻年二十夫逝守志孝親撫幼孤以恩義貞操歷四十年而卒

鄧氏邑庠生蔣文莒妻年三十夫故上奉孀姑下撫孤子柏舟矢志數十年如一日年八

十一壽終眼見四世今其後嗣蕃昌入以爲孝節之報云

劉氏師學錫妻二十四歲夫故孀姑老邁弱息零丁氏孝慈兼盡苦節凡三十年

黃氏師學昆妻年三十六夫故老姑在堂孤男在抱家甚貧窘特紡績以資事育守節三十  
八年終

陳氏儒童慶建高妻年二十七夫故苦節育孤訓二子成人克延三世一線之脈孫曾繁  
衍遊庠食餼者相繼享壽八十而終

李氏儒童慶世富妻年十八夫歿無子以夫弟國學生世峯之子捷雲爲嗣後入武庠曆  
塔尉起氏年八十八而終

周氏儒童蔣士揚妻年二十四孀居矢志全節事翁姑能先意承志撫孤子爲嗣見年七  
十八歲以下所載兒年係就清同治十一年說

蕭氏劉大作妻二十歲夫歿矢志守節食貧自甘見年八十七歲

盧氏郭良蘭妻二十六歲夫故守節完貞見年八十三

曹氏儒童林華標妻年二十二夫故事孤以孝撫一子教養兼至守節數十年見年八十  
歲

譚氏方崇循妻年二十八夫故欲以身殉水漿不入口者數日姑勸諭再三方進食撫一  
子一女至於成立居貧養姑盡禮同治八年子死復携媳撫二幼孫以節義孝謹訓其

### 婦見年七十一歲

曾氏郭俊清妻年二十九夫故矢志育孤事翁姑雖居貧養不怠見年六十有一歲

陳氏儒童廖元妻年十六于歸結褵甫一年良人遽歿繼嗣承祧苦節四十二年見六十  
歲

賴氏醉涓俠妻年二十夫亡無嗣赤貧依外家女紅度活貞操不渝見年七十四歲

熊氏劉元紹妻年二十九元紹暴卒氏撫孤守志數十年如一日族里莫不重之見年七  
十三

唐氏藍振書妻年十八歸藍夫疾典簪珥以供湯藥二十六歲夫故遺二子家貧矢志撫  
孤孝事翁姑每食必侍立教幼子以惜字爲先長就外傳條金必從厚雖稱貧無難色

苦節四十四年見七十歲

董氏曾慶福妻二十五歲夫故立志撫孤教養兼至守節四十五年見年七十歲

張氏蒙執謀繼妻二十五歲夫故遺一子教養成立守節四十一年見年六十六歲

盧氏儒童康文晉妻夫歿氏年二十四矢志守貞見年六十六歲

王氏謝世熙妻年二十六夫卒遺孤發爲僅數月氏哀號欲相從地下姑勸撫養孤乃強  
起姑苦含辛事翁姑極孝撫孤成名苦節四十年見六十五歲

何氏張桂劉妻年二十八釗歿無出家容乏氏泣曰吾非不欲相隨地下其奈孀姑年邁何由是奉養盡志喪葬盡禮撫任承祧越一年又天燹焚街處聞者悲之見年六十五歲

盧氏謝振經妻年三十振經卒撫二孤嚴督不貸力貧守志貞操克完見年六十有五歲

鄧氏郭緒迎妻二十五夫故撫孤守志色養翁姑見年六十四歲

邱氏曾正滿妻年二十潮亡遺孤一守志撫育備歷艱辛未幾孤復逝抱侄孫承祧敬事翁姑苦節四十二年見年六十三歲

陳氏張桂錦妻年二十五歸故遺孤未週歿撫侄爲嗣事孀姑婦盡子職辛苦備嘗見年六十三歲

甘氏增生朱英結妻夫故氏年二十六事姑盡孝孤一人未幾復逝貧無立誰紡績度活見年六十一歲

張氏儒童嚴仁嘉妻年二十八無子適夫疾革氣奄一息殆盡氏哀慟昏倒床前頃而夫歿氏亦歿夫賜以後事乃矢志上奉老姑下撫繼嗣以綿宗支苦守歷四十年見年六十有八歲

李氏生員張昌浚妻年二十七夫故孝事翁姑喪葬盡禮撫孤承經入泮見年六十一歲

張氏儒童許濟環妻二十七歲夫故痛欲身殉轉念上有六旬老姑下有九齡孤息節哀順變矢志養姑教子成名見年六十歲

張氏陳家誌妻二十歲夫故矢志撫孤事姑盡禮見年六十歲

賴氏儒童李同紹妻年二十九夫故遺一男高駮氏仰事舅姑俯育嗣息孝慈兼盡男駮食餼於庠遵例報捐教諭見膏高安縣學訓導守節已三十一年見年六十歲

盧氏宋麟墓妻二十三歲夫故氏事舅姑青婣子紡績營生艱辛備歷見年六十歲

羅氏宋英錄妻年十九子歸道光甲午夫故事姑孀孝有疾則調藥和劑以進撫夫兄子爲孫茹苦含辛貞操不易見年五十八歲

郭氏李乘份妻十九歲夫故撫侄承祧苦節三十九年見五十七歲

林氏儒童賴益紆妻年二十七夫故矢志守節撫孤以慈奉姑盡孝紡績度日足不踰閭者數十年見年五十七歲

鍾氏明以增妻年十七夫故堅志守義有諷以改適者氏叱曰吾叔父兄弟俱列膠庠苟失節貽辱不如死孀居譚肅人無間言撫侄承祧見年四十八歲

江氏郭青雲妻廿三歲夫故撫孤守節孝事翁姑見年五十六歲

郭氏從九黃鳳歧妻二十三歲夫故撫孤守節事翁姑以孝聞見年五十有六歲

蕭氏武岸嚴東元妻二十一歲夫故欲以身殉翁姑勸以孤在襁褓死即絕夫祀於是強起節哀撫孤以慈事姑以孝視族慶弔不預焉見年五十六歲

陳氏邑庠生盧昌榮妻二十一歲寡居姑善病十餘年侍湯藥不懈撫侄承嗣躬紡績以養成人見年五十六歲

廖氏劉登俸妻年二十六夫故矢志守貞撫孤成立見年五十六歲

劉氏儒童何慈智妻年二十六夫故矢志撫孤事翁姑及伯姑養生送死皆能以禮貞守二十九見年五十五歲

曾氏儒童鍾振添妻十八歲夫故無嗣姑老撫孤子以延夫祀事老姑而盡婦職守節三十七年見年五十五歲

方氏儒童儲家道妻年十九夫歿恟絕復甦姑及太姑泣勸乃撫夫叔之孫延嗣奉兩代婦姑盡得其歡課子成立苦節已三十六年見年五十四歲

林氏趙國維妻二十三歲夫死賊難遺孤一乳哺襁褓以至成人見年五十有四歲

李氏邑庠張桂苑妻年二十九夫故痛欲身殉轉念膝下六歲孤兒乃強起矢志撫孤成名諸孫皆森森玉立見年五十四歲

羅氏從九何補裳繼妻年二十一夫故一子呱呱在抱稍長使就傅事老姑得其歡守節

已二十二年見年四十三歲

黃氏李秀院妻年二十二夫故孝事翁姑撫孤守節見年五十二歲

劉氏武生吉廷才妻夫故氏年二十六遺孤僅五齡奮欲身殉轉念孤無託勵志全貞苦節二十五見年五十一歲

林氏儒童盧鼎昂妻年二十四夫亡遺一襁褓孤家貧窘氏仰事俯育得二老歡子亦賴以成立清操二十七歲見年五十一歲

黃氏蕭國教妻夫亡氏年一十九翁姑諷以改嫁堅執不從守節三十一年見年五十歲

劉氏明秩性妻年十九歸秩性牛暮夫亡痛欲身殉勸以撫侄成立哀毀守節事姑十八年極孝如婢同居甚睦撫侄成立見五十歲

王氏李早財妻三歲歸李年二十九夫亡矢志撫孤見年七十二歲

廖氏曾廣科妻夫歿氏年二十五撫孤守節見年八十歲

李氏蔡中文妻年二十五夫亡守節見年七十一歲

盧氏國學生幸程品妻年二十夫亡撫遺腹子守節見年六十歲

廖氏邱道陽妻年二十五夫亡矢志不二見年五十七歲

吳氏儒童賴雅齋妻年二十二夫故矢志苦節見年五十四歲

賴氏儒童歲久敬妻年二十夫亡志婦居事姑克孝撫孤成立閱五十年見年七十歲蒙氏儒童嚴卿贊妻二十三歲夫亡柏舟自勵孝姑撫幼歷久彌貞婦守數十餘年階環四世見年六十有四歲

盧氏儒童張錫芳妻年二十四夫死時孤子盤洪方五齡氏撫育成人苦節三十四年見年五十七歲

郭氏鄧浩賢妻年二十五夫殞守志撫孤人無間言見年六十一歲

李氏儒童陽善通妻年二十五夫歿守奉養翁姑始終不渝歷六十有二年而終

王氏儒童鄧賢嶼妻年二十四夫卒守節三十五年而終

郭氏儒童鄧聖培妻年二十四夫亡無子自勵冰霜苦守五十三年壽終七十七歲

譚氏鄧家湛妻年二十九喪夫誓撫二孤貞操四十五年以壽終

林氏饒巡檢張承緒妻殉夫節烈詳張昌信妻黃氏合傳

趙氏彭振六妻幼育於彭未結婚而振六逝戚族憐其年少諷以改適氏慨然曰婦人從

一而終義也雖未婚誰不知爲彭家婦撫一任以延夫祀靜處一室族鄰罕見其面貞

守四十六年而終

陳氏徐懌芳妻十二歲夫亡家極貧守節矢志父母欲奪其志哭謝不復至外家撫任承

祧卒年四十九歲

曾氏劉仕仰妻年十三夫故誓不再離抱夫堂兄子爲嗣事翁姑曲盡孝養處妯娌備極

雍和孫曾林立年七十八而終

劉氏鄧孔贊妻未親迎而贊卒守不字之貞養雙親全節盡孝

李氏明立著妻自嬰抱配立著姑王氏乳養爲次媳道光丙午立著夭氏甫十齡及長諷

以改適福戶哭日夜不食翁姑慰諭夾其父母言之堅卻不允因不歸甯守閨範寡言

笑雖至戚男子見輒走避孝事翁姑內關一切事經理維勤足不出外戶歿後族議以

夫兄增生緦熙子爲嗣

葉氏曾正泗妻六歲年歸九歲夫故年幼即知大義服喪盡禮比長誓不再適撫夫兄子

承祧孝順孀姑寢食不離甘旨無缺戚屬罕觀其面清操五十四載見年六十有二

盧氏庠生王繼曾妻幼歸曾及笄曾入泮待合登因赴鄉試未果俄而曾卒氏矢志靡他

未幾老姑去世先覺無依夫兄承曾憫其苦節以子嗣之現年六十

林氏儒童董學梯妻年十四夫亡矢志守貞撫夫兄安縣縣丞建輝次子承祧苦節裕後

孫四人三列郡邑庠食餼者二人歡承四世現年七十四歲

劉氏儒童李銘逢妻二十七歲夫歿欲殉地下以姑老子幼強起奉養甫及五年姑亡子

天痛不欲生妯娌勸慰以似之子入繼爲嗣撫養成名孫並遊庠守節三十七年而終  
劉氏儒童王沐政妻十六歲于歸夫病危氏籲天願減算以益夫壽至二十四歲夫歿  
無子念老姑需養家無次丁事姑壽逾八旬姑卒僅存親姪一人視猶己子教誨成立  
以延似續苦守三十九年見年六十三歲

危氏儒童蕭東宗妻年二十歲夫亡孀守矢志靡他苦節四十二年見年六十二歲

黃氏儒童董徵球妻球歿於道光庚寅歲時氏年甫三旬堅志守節卒年七十有一

劉氏庠生簡徵瑚妻年二十三喪所天孀居三十八年至六十有一歲以壽終

謝氏儒童羅華庚妻年二十適庚二十八歲夫逝無嗣欲從泉下以姑老代夫孝養撫任  
爲兒姑壽逾九旬始歿氏歷五十年冰霜白首完操見年七十五歲

許氏太學生譚道森妻年十八嫁於譚二十一歲夫歿撫族任以延夫祀事孀姑朱氏零

丁孤苦成豐六年賊燒村莊姑遇害茹荼飲泣守節四十六年見年六十七歲

許氏儒童譚道權妻十六歲于歸廿四歲喪夫柏舟自誓甫七年孤又孀撫族任承祧遵  
例納貞苦節二十七年見年五十一歲

王氏儒童盧秉堅妻年二十二夫故守節勵志彌堅敬事翁姑和睦妯娌居謹肅人無  
間言見年五十四歲

蕭氏邑庠生盧鼎譯妻增生師魯之母年二十九夫亡子幼矢志靡他茹苦含辛撫孤成  
立見年五十一歲

盧氏儒童洪師繡妻年二十八夫亡守節四十六年而終

王氏儒童監邦儒妻年二十七夫亡守節撫孤延嗣孫曾均遊庠序歿年七十一歲計守節  
四十四年

蔣氏儒童李夢松妻夫因公死獄氏痛不欲生以頭觸地而死時年一十六歲

洪氏儒童李立成妻其媳謝氏享子妻亨千在郡生理城陷遇害氏携媳旋自經死

劉氏藍天澤妻年十八夫亡遺孤甫十月地無立雖父母欲奪其志氏矢志不改願撫孤  
續夫嗣奉姑擇鄰而居紡績度活孤成立攜回故里約子愈勤儉事姑益愛敬姑歿

豐葬盡禮歷苦節六十一載壽至七十九而終今鄉族翕欽其貞操

胡氏監生張青純妻年三十而夫故立節撫孤見年八十八歲

劉氏儒童王耀明妻年三十而夫故守節撫孤見年六十七歲

王氏李恆鈞妻年二十四夫亡誓志堅守撫任承祧見年六十一歲

盧氏儒童李登湘妻年二十六夫亡無子矢志不移見年五十二歲

曾氏儒童李際樟妻年三十夫亡矢志苦守撫孤成立見年五十一歲

李氏儲童穎維棟妻年二十六夫亡守節見年五十歲

吳氏儲童王新佐妻年二十七夫亡事姑撫孤成立歿年七十二歲

邱氏國學張承繼妻庠生邱萬彩室女笄年歸繼因成豐內辰之亂賊焚廬室繼父携避

圍城中差受驚悸隨卒氏年十七扶笄夫概及葬所不懼寇亂携婢媼二人棲守板側

窳窳畢乃歸內佐家政翁姑賢之同治己巳年因痛夫弟婦林氏徇夫承紹俱死憤已

不若林氏之勇於殉節也一慟幾絕數月後遂以鬱鬱卒寡守十九年撫養嗣子孝奉

繼姑人無間言知縣沈公恩華爲立小傳附列藝文張氏雙烈婦傳後

葉氏儒童盧澤信妻年二十四歲夫卒遺孤七齡撫養婚教苦節三十餘年見五十三歲

陳氏儒童邱世著妻童年字著二十五歲著卒遺孤方六齡矢撫成立見年六十歲

宋氏儒童盧洪報妻二十五歲報故誓以身殉因苦勸奉老姑遂以身兼子職三十餘年

族鄰無間言見年六十二歲

黎氏儒童盧昌彬之髮妻年十九歲夫故矢志守節撫任承祧見年五十二歲

藍氏城西李盛富妻年二十八夫亡守節至七十七歲終道光二十六年教諭李徵甲爲

作傳

盧順姑唐江盧元惜孫女查安徽全椒縣志貞孝類載二十一歲卒以孝行士民有大吏

望案入告奉旨旌表祀節孝祠

劉氏石塘嚴禮霖妻禮霖早卒遺二男一女姑老家貧苦節自甘

歲終 年題准旌表

鍾氏縣城富安巷吳配尊妻年二十八夫亡撫遺腹男紡績爲活事姑孝姑死葬以禮年

終知縣孔昭珍詳請督撫咨部奏准旌表給清標形管匾聽建坊

邱氏縣城郭詩鵠妻年十七嫁詩鵠未而月而婿病養幼侄承夫祀守節至五十九歲終

光緒 年題准旌表祀節孝祠

盧氏縣城謝發鏗妻年十七歸發鏗逾年發鏗死生子一未週舅姑在堂矢以仰事俯畜

自任不二年孤又孀幾不欲生迨夫伴祥潼生撫養爲齒青年苦節歷數十年光緒十

六年祥潼入泮二十年知縣孔昭珍申請督撫具奏題准旌表節孝

鄧氏市石劉鳳樓妻二十四歲夫亡守節至八十餘歲終光緒七年督學部院洪鈞樊蓮

灑杜賈匾額十八年題准旌表

徐氏廩生董道鵬妻光緒二十二年奏准旌表給清標形管匾額

陳氏董德樟妻光緒二十四年題准旌表節孝

劉氏儒童董德濟妻光緒二十四年題准旌表節孝

寓賢

道不以竄處晦其光地不以借才增其重賢者賢之寓者寓之似於此邦人物山川無與也然君子過化存神鴻泥雪爪類足與河嶽並壽異世猶或有聞而興者烏得以過客也而少之南康嶺北澳區山川風景傑然號稱上流之冠歷代以來士大夫之不得志於時與夫逸士騷人類有憑弔歌泣而來者乾坤兩屐風雨一塵未嘗不後先輝映於水光山色之間乃舊志闕而莫考則非以賢之無以賢而寓焉者之少也搜而輯之缺而補之其寓之暫久書闕有問矣要其人之賢在天壤自有可留景仰之蹟於此土者焉志寓賢

唐

沈亞之字下賢吳興人元和中進士歷殿中御史後謫南康尉

許渾字用晦丹陽人太和六年進士爲當塗太平二縣令大中三年爲監察御史歷睦郢二州刺史嘗沮涉於南康流連月餘而去

宋

蘇軾字子瞻眉山長公外傳云以紹聖元年甲戌安置惠州八月度嶺丁丑復謫授瓊州別駕昌化軍安置庚辰始命提舉玉局觀任便居住辛巳元日始度嶺北歸南安守



曹約等與郡人士爭相款待於此有謙樓及觀音寺千佛閣題壁廣化寶界寺墨竹常樂院偈後過南康寓田氏九經堂及陽孝本別業游詠倡和諸生隨行至吉州清郡又爲作南安軍學記後張九成手書勒於石

陳瑩中宣和壬寅謫居南康旋徙楚州李景淵爲天台守遺信致書慰問安否未至前一夕夢作頌云靜坐一川微雨未辨雷音起處夜深風作輕寒清曉月明歸去及答李書因以寄之是年寒食陳下世秋八月李亦捐館

按致書作頌似離南康後事然可考陳瑩中之謫或疑謫屬南康軍是則不然蓋忌者欲使瑩中疲於道路不得安居故甫卜宅江州旋使跋涉南安之南康甫抵南康又徙之楚州若南康軍則於江州水陸皆近是任便居住之寬政非忌者意矣故南康之爲縣無疑

楊萬里字廷秀吉水人紹興進士爲永州零陵丞時張浚謫永杜門謝客萬里力請見浚勉以正心誠意之學萬里服其教終身爲國子博士侍講張拭以論張說出守袁萬里抗疏留拭公論俸之出知漳州尋提舉廣東常平茶鹽盜沈師犯南粵帥師往平之孝宗稱之曰仁者之勇遂有大用意尋以屢疏言事改知贛州不赴乞祠提舉萬壽宮自是不復出矣晚遊南海將之韶過南康淹留塗次題詠甚多

明

解縉字大紳吉水人父開與弟闔有名稱二解縉年十九舉鄉試第一洪武二十一年與

兄綸同舉進士授中書庶吉士改御史時詔近臣父皆得入覲縉父闔至帝召謂曰大器晚成若以而子歸益令進學後十年來用未晚成祖入京權侍讀命與黃淮楊士奇胡廣金幼孜楊榮胡儼七人並直文淵閣預機務尋進侍讀學士永樂二年立皇太子進翰林學士兼右春坊大學士縉少登朝才高任事直前好臧否鯁直無顧忌廷臣多害其寵而定建儲議竹漢王卒以謫外至南康遊仙臺觀留題有仙臺觀裏仙遊處丹井虹流午夜光之句

曾直字叔溫吉水人宏治進士爲郎中忤大閣張銳引疾去嘉靖初用薦起累官大理少卿都御史彭澤將復哈密爲中人所搆下獄直判以誣忠勤大臣法在必誅士魯番復膺內外以計逐直遂再乞歸年八十二遊寓南康

李萬質以廣東僉憲致仕歸過南康與劉雙峯雅集旭山聚歡話舊爲詩酒之會有秋日旭山話舊二律見藝文

